



清容居士集卷第三

古詩 四言

再從姪瑛幼孤學道龍虎山自傷不能鞠携述
祖德以勉之

煌々玄冑家越徙鄞隱道閔躬三世養真是生祥符觀
光績文占籍浚儀依邑孔勤粵有光祿亦奉于越聿魁
開封老守于栝少保恂々早退靜閱太保靈承逃難乘
筏大耄韶明閩里胥洽篤生衛公喬柯茂豐敦讓詒則
攝獄自公絕募乘仁千人著功冥報氤氲維垣錫崇於
赫少傳受學族祖諱覺有書解行于世正獻亦師之習繹典謨正獻同

宇正獻首科少傳踵舉于正獻淳熙辛丑登第少傳次舉

運上南省甲辰闈郡被點淳熙公復師以研鑿我族父昭

穆會稽非宗疇譜同源迨宴堂是叙少傳挽正獻詩

講說後相臣嫉忠同黨同錮韓侂胄擅權正獻以族子

師旦正學勃興象山武夷相繼登朝奉常羽儀維我少

傳抱其魁竒曰經武有本日用不疲絕幣罷書感勵攷

攷廼登東觀廼佐宰司歲為閣茂正肅冠廷嘉定甲戌

弟一正獻秘監兼祭酒當是時越公為秘丞正獻休

兼樞密院檢詳越公登第已二十八年

少傳繩載文纂謨致事以行少傳作程均羸紀經翼

翼京邑十載救寧憬彼介狄迴戈指淮鐵駟亟喧為厲

之階公在宥密展誠弼諧悉卒宵征拉其妖靈總戎輔

京秉燾受齊李全叛以同知樞好沉於淵公歸在里徵

彼壽後縣車告止于時徵公及東陽皆近八十矣三啓

公府永楚賜履復荒於齊終越以祀冢子廬陵克謹其

承曰惟瑞安儉不近名生我俊兄志學蜚英上試銓曹

計偕荐膺余年尚孩企為戰兢女紀既蒙訖籙更符匪

曰愚智阨窮同途火焚高閎戚告瘡不敏其甚莫植

其居泯奄長夜盡然永徂念子之稚孔蕤孔朗不寧以

餽俾遊泮荒我雖異途與汝同情無為夸淫無溺燕朋

壹爾氣神履永奉盈我宗匪微德芬匪沫來者之榮逝

者之戒沾、懷新不究其敗鑒彼太素曷其有壞述我
祖德送爾言邁匪窮咏歌申以用誠

張孝子

汴張元綱之父為南陽屯丞母卒為葬于府之南
灘元綱痛不得復於里街悲茹辛縮板負土崇為
堂形尺以二十周廣之度十有二尋屹然而鬼望
焉而臺甃以陶甃堅靚慎密構亭於中以庶其神
屏傭役躬畚築謂鞠育之義由已而始盡于是暮
年乃成河南田君秀撫事徵寔謂楠俾有述詩曰
粵若古先築穴奠居齋其仁誥其愚返真玄丘精

糜魄枯如蛻斯登如穀斯哺後王後民百幻具師顧瞻
本初寧不爾思薰裡蓬穎惕焉表微歲月既遷孰封以
機窮恫恚華輟泣而夸力殫於民禮廢于家千夫丁、
逞巧莫諱風濤兩饗卒為泥沙嗟、小子內省是嗣維
張孝子無貨財是恃無奔走是俾寧如嗔如惟手持據
夕號其陰朝升其墟我心匪墜我力匪痛焦肺喝肝翳
翳慈顏曰天有命茲土是虔宛彼飛鳥亦集於原隱而
卒之有阜孔堅魂庶于所不畏不侮汴水湯、其流匪
沮孤征云邁入此室處申以顯之以詔爾永慕

徐母表閭

大名徐夫人以節名于夫宗晚居錢唐有詔表
閔江南于是其子大夫公執憲東浙食豐享榮侈
且至矣廣形管之懿傳青簡之信春容整嚴執筆
林立四明表楠廣為頌詩以備道人之采詩曰
婦道貴柔厥義彌剛柔以內施剛以外防燁、秀芝空
林自持永辭春榮三秀何虧維魏徐母玉雪其躬端操
靜閒凜為高風念昔悼、黃鵠孔悲婉彼孤雛不能奮
飛春條其柔秋勤其穡聿懷深憂世德靡忒漢嫠張芝
斂却駙馬黃髮稜、高秀里社蜀女周度斷髮表心矢
言堅石厲躬鍛金沛有桓女少名其宗援刀割耳之死

莫從繫此三祭代表其閭垂裕莫聞靖言長吁桓、大
夫退食自公擊鮮具甘是宴是崇勗哉大夫教忠拔朝
養和服寬慈令孔昭四海晏清士節莫著歸為閭範陰
教是助雙闕峩、天澤所表維夫人節維大夫孝我庸
孔勤亦莫我敢效歌擇辭永言申之過者必容四方其
訓之

致樂堂為鄱陽周南翁作

有嚴周門寢宇孔齊溫其碩客西南有閨爰琢甍楹爾
養爾承慎而絜清以煥以明維大夫母柔恭俾壽嗟余
季來教言孔懋木之彬、視其同根有滄者雲孰隣而

升伯也于房仲氏中唐先子之湫翁焉以光我堂如跂
我懷靡止載車以行不竦不倚周京斯弁旨甘有衍匪
旨甘則怡樂且靡違彼堂在阿謝松莪黃髮番童
舞婆娑于以樂康於焉作歌

樹誤謝

臺氏舞衣堂

彼崇者堂白雲中央蒼々維松舒泉湯々有矜孔碩有
醪孔芳羌池東西率祖以行令德允修不震不侮孫曰
吾祖曰吾父服其斑斕式歌且舞飲以大瓢爰擊其
缶維咏維猶垂手以招有髡者髡彼雛天々永祈黃耆
福祿宣昭左右承翼見其二毛厥居安矣亦既完矣樂

時永清俾庶俾蕃肆其幼儀雖々桓々互爾襍服終焉
考槃

古詩 五言

舟中雜詠十首

好花辟車塵飛入黃河洗河流政茫々一去不得底納
汙有至道胡為愛清泚念茲物理深玄籥從此啓
飛鴈翔南雲辟就端有得舊年春風歸雪花大如席陰
陽眇難窺造物司其職慎勿事炎涼來徃任行役
道逢射生船有鶴馴且矐青絲閉其目病翼寒蕭疎臯
禽九天來此豈真吾徒獨憐羽毛侶盤桓為長吁

家奴拾枯草走兔來相親生來不識兔却立驚其神行
人笑彼拙歸來始嘖呻乃知特幸脫未信吾奴仁
白葦生寒沙殘花搖散帝燕都百萬家借爾作薪爇物
微生最下功用迺堪取大勝桃李花矜、鬪妍醜
清夜視北斗正色搖我前乃知中州殊詭、浪談天名
公化南國美教來自燕乾坤儻一致地氣何由偏
紙鳶帖晴空飛輪走盤線東風恣昂藏得意隨手轉攀
雲政相喜墮地忽復怨兒童豈知此得失終戀、
惡馬少駕車駕馬多駕船駕船勿戚、駕車何翻、渠
命有通塞誰能別嗤妍君看鹽車下泪墮如奔泉

春菘種北土三年變莠菁一為居養移自覺顏無情南
山植松苗深根定生苓千年化豎魄豈比春菘榮
鸕鷀漾晴空意態極楚、翻風蒼雪迴轉日爛銀舞盤
旋傲孤鴻清遠敵凡羽須臾下魚陂媿我覺疾去

車行二十八韻

乘車右云貴此意昔空羨河流露枯沙桑本接晴甸大
車蓬、前小車鞿、殿高原縮先登却立駭所見陰如
龜戴殼縛如蚕裹繭效駕何昂、帖耳復戀、高岡互
回伏遠樹特隱見禪趺恣掀簸尸寢作瞑眩初疑肝膽
傾漸覺手足顫兩耳傳鳴雷雙眸瞥飛電縈迴蟻旋磨

局促虫負版氣奔驚七還心嘔復三咽地軸從此翻日
輪肯同轉軒輻怒交撞戚速急欲戰馬悲望雲嘶牛走
見月喘惡箠恣調伏詈語極鄙賤中宵不知勞亭午輒
告倦揩摩髀消肉舍弃足成趺蕭慚朝殮薄重勝春醒
湏土霧散游絲沙塵起飛麩咫尺方欲離頃刻已莫辨
素衣緇漸化玄髮白新變人言道途苦我意舟楫便雍
容漸追昔麗縟時想緬輟輪貴尊賢下足表置傳曳柴
清時羞高蓋羣牧選况茲執轍同及此寰宇徧詩成記
勞勩旅次時慰言

錢王叅議以風帆目力短江空歲年晚為韻

澄觀學求道八景雲青紅上畏羲娥流鞭霆跨追風相
知不在貌相見誰為容持此金石心坐閱寒暑中
昂、萬斛舟浩蕩揚雲縵好風助其端瞬息千里颿層
波激飛雪正色令愈嚴坳堂覆杯水止足拘庸凡
昔年九方臯相馬不以目想其遺玄黃神氣洞馬腹東
方有一士被髮羨不肉居然使之來不復困邊幅
浮榮一羽輕至道萬鈞力達人固靈根清靜執寧極淒
涼江海念別至勿戚、空餘好賢心一天貫千的
魯聖勤經綸坐席常不煖事來非其意稅冕或恨晚每
懷千歲憂百歲常苦短扣牛有真理短褐歌石爛

機心起風雨平陸能成江苟非養其恬事至誰能降此
心曠明月爽氣通八窓長空掃林莽寒飈助春撞
鉤羨有至味易牙敢加豐醯鹽強調適衆口終難同澹
泊本真性清淳豈織容一朝饗帝所祥雲藹晴空
文章工世姝此道非真詣有如東家施捧心學天麗公
文雲雷尊落筆即千歲斐凡生晴漪三沐古錦藉
平居挽士意寶鏡懸秋天清影閱今古寒光萃蚩妍淒
涼塵土姿朗鑒勞評銓相親耿無語相期欲忘年
雛鳳栖桐枝清音起冲遠英、異羣羽秀色日以婉詩
書有真托我輩同一莞深根在永閔衝霄未云晚

次韵虞伯生夜坐

炎晶爍草露木末望西顛靜躁誰為尸翕忽紛寸抱志
士法天運炳燭不在老羣經固其郭積神以為寶陋彼
多言生希名太玄草山林詎心違歲月付幽討擾、徒
為名努力在此道

地氣環中州橐籥均宇內中宵炎溽頻露坐猶憤、遠
窮太古雪欲徃終有徠馳神極寥廓我筆不可載栖形
竹素園萬化等歷塊相期江湖深慎勿寒暑礙秋風起
天末紉蘭結幽佩

次韵伯生

弱冠事墳典里曲譏涼、螢爝不勝火矧敢扶朝光驅
車出門交一粲逢清揚曩尊實玄酒至饗不在觴慎勿
飲世人徒令攬空腸紛綸五經學遠祖遺仲翔知賢恨
已晚相見復慨慷
至道縣日月無言炳陽秋辟世端有方低昂少淹留汲
古理脩綆寒泉漾清流永懷魯兩生議禮終兼周我言
失造次燥吻談郊丘此悔行已止歸田賦宜休空餘六
籍意歲晚期冥搜

再次韵伯生兼簡仲章二首

重柳積清潤曉日疑蒼涼萬化同一氣斯須變朱光夙

志尚幽隱清夢時悠揚愧非酒中聖客至同覆觴委心
理縑簡念至迴中腸時節忽已迅秋雲鴈南翔相期慎
素業載歌慨以慷

俗士同酷暑可人似清秋邂逅得二子傾心為渠留相
望塵墮霧相親汗交流積雨暗京國苔痕生道周神交
徑心醉何必登糟丘著書君已定彈冠我當休唯餘舊
詩律支願費雕搜

德生詩律清遠少與之比嗟歎不足復次韵二

首

皎々明月裾美製異庵涼薄遊起嘉譽妙選歸明光濡

毫百王度麗思方抽揚溧身佩璜琚慎德銘豆觴蕭艾
不並處三嗅懷剛腸永愧斥鷃姿側身廁鵬翔終然願
昏附竭誠以慨慷

玄鶴警清露遠思凌高秋長松有佳蔭嗟然為之留辟
彼明月光那能染黃流洋、日以往天風迴不周畏此
颯爽涼行當返浮丘同憂有奇士詩來賦歸休遺經倘
可理墜緒期旁搜

鞭馬圖為秋誠父作

生駒萬里意所向知無前圍人忌其德未試先加鞭要
令俛首馴使我嘗相憐伯樂死已久此道不復傳駕車

困泥途伏櫪老歲年所用非所養誰能別蚩妍畫師逐
時好謂爾誠當然披圖重歎嗟我意何由宣

張希孟嘉慶圖其祖伯祖皆

舜泉清且甘歷山秀而朗淳風邈冷、舊俗遺穰、怡
愉二老歡敦厖百歲長銀光浮勝類素髮垂過項階庭
尊孝謹閭里化廉讓春風連理枝晴日九節杖犢車共
東西漁舫同下上蠶麻課餘閒豚韭隨薄養薇山悲首
陽菊潭陋胡廣愧彼非禮羅居然嬰世網孫枝孕天葩
祖風躡遺響含飴記疇昔興門慰期獎冥鴻天機韜畜
松白雲徃緬為清風佳庶作高山仰

遊長春宮分韻得萊字

珠宮啟殊界積構中天臺神清歷倒景青紅隱蓬萊群
山助其雄袞從西來八荒昔禹甸為此增崔嵬舊邑
環蟻垤清泉覆流杯雲低落日淨莽蒼同飛埃緬懷古
仙伯采芝雪毡毳長春豈酒國殺氣為之迴天風起高
寒玉珮聲徘徊空餘水中輪歷錄環春雷之人去已久
松聲有餘哀

次韻徐志友襍詠十首

師川樞密
五世孫

喬木空雪霜孤枿存十一遺聞備家乘零落寧有述文
滕理固然相道返初質志士心未降龜勉終惜日

刻志非不工畏備乃真急勞生悟其機靜嘿希遠害棄

觚強浮湛念至時永慨佳人在空谷不復夸絕代

嘉賓秩初筵至饗不在酒傷哉因飲徒醉目恣可不獨

弦不成音短袂莫回肘恃此百尺臺誰復憂蟻朽

至道存遺音我琴不堪撫愛此素心人更僕請遽數文

章有正律短計工百沮寡言徒自高憂熏汗如雨

盈道間花秀色爭餘春舉俗競愛之孤芳愧陳人辟

彼鏡中月始影終有塵八荒已同雲客行復跋

玩易悲三陳微服志已迫胡為守其恬正色養神宅乃

知無邪詩經緯貫三百載籍天所扶終古脫五厄

古來操縵功時至能安絃近復顛倒之擊石求飛烟我
冠儼尸坐委地養脩年廢此汗簡勞謂可一唯傳
談經各戶牖正道誰當承朝菌不知朔夏虫復疑冰高
堂屹崇構相彼甃與甃師門有遺訓此語非吾能
豫章古詩法萬折江海偉層波激奇觀妙用安可幾安
語非不能萎爾乃氣累東湖有真傳廊廟振朱屨
天風眇東南碧雲澹凝戀嗜芟同若心相得不在見黃
塵各道里玉雪起清遠它年有飛鴻為我繫書箭

再次韵荅仲章仲寶十首

東南有奇觀萬戶粲如一覽古幽思深擬筆追七述芳

澤同聚塵清淨葆昭質可憂不可言凝睇悲落日

良苗沒深蕪穡人志其急無端揚飛塵螟或賈深害力

耕未逢年歲晚空永慨深悲采芟士却穀全季代

春雲倚春山搖蕩如春酒相親在顏色念子心獨不薄

飯時充腸短袖不掩肘高楼政清歌盈々自芳朽

驅車學遠游古劍終夜撫長安袂成雲我去何足數相

知有奇士不畏道里沮寒風振枯林落葉起清雨

西山麓佳氣萬古留青春夔露巖壑姿邀彼車上人之

人有行役莫浣車中塵空餘白玉泉隨車走駿々

長松養華滋陋彼霜霰迫虬枝結層陰下庇十畝宅擾

擾區中人生歲寧滿百慎勿以智夸相逢復相厄
新月無定姿低昂起初弦南飛有孤鴈驚沙度踈烟一
為居養移來徃忘歲年感物非不多音書為誰傳
束髮交老蒼道大誰能承澄心養真源寒泉護清水傷
哉注巧勞歆作千金篋豈無須臾好陶人愧非能
淵明仕浮湛投効志始偉愛此松菊佳餘年悵無幾八
表雲鶴還不作身後累陶然且就飲軒冕真敝屣
我家古城南高木起清戀空江納雲影清夢時一見相
逢故人深各忘居止遠他年東南來贈君以竹箭

三次韵酬周儀之虞伯生十首

英人雲中君含思歌太一迴鸞舞天葩流粲杳莫述報
之不成章玉雪耿素質臨風發長謠庸以永今日
昔學空巖居之人怒其急哀猿襟山狄驚嘯歆我害天
隱神所藏別之空悵慨桃源闕深竇亦復知晉代
道逢學仙人御氣不飲酒我笑初無言彼已嗔我不哀
哉守其愚繫石猶在肘冥化隨悲風淪骨成朽
遠客思故園孤松為誰撫露白天宇清鴻歸暮雲數誓
將畢幽討勿為此游沮念子知我深神交泣天雨
楚歌惜白日燕歌蕩青春哀樂自逐時流幻區中人我
生功名念素領無纖塵飛鳶竟站々啄雀徒跋々

羲娥挾雙輶冉々老見迫丹臺漱靈霞瓊蕊生尺宅控
搏無須更詭幻已千百慎此陰陽機逝虛脫真厄
奇樹生南薰清坐彈五弦淳風邈永古白雲赴蒼烟世
故日以媮俛仰隨歲年折腰倘為酒猶足青簡傳
破甕居井眉勺水不得承寒棹轉餘瀝天風助為水奮
質儼有在誰言真破甕愧彼埏埴功成壞非汝能
龔生夭天年苦節亦良偉輪囷閱書傳此事寧有幾口
腹非過謀形骸乃真累所以商山翁終復著漢屣
少年恣青春歡至無復戀一為關河行常恐不得見新
鴈雲中來飛々落南遠歸心耿無寐寒更促浮箭

題汴梁推官周子明三獄詩卷

三章結漢網清淨歌元々後世益以密奸愾日云繁治
法如理絲衆棼政多端一絲不得直萬緒何由完虛心
納衆口至理藏片言永念死者哀更推生者寃汴州古
循吏三獄成平反天道詎幽遠于公有高門

題弋陽巖山精舍圖

紅塵落青山飛瀑遽洗之孕此巖中居寒膏漾淪漪白
雲偉衣冠脩松古鬚眉書聲出虛牝杳々空中篋桃源
有神界天光固幽機一為漁父游妙筆工研窺至今武
陵郡山水傳清暉

次韵仲章蔡村阻風

足弱辭北騎身輕落南航懷別意滉漾問俗心悠揚豚
非供歲歎蚕麥扶時康幽事不滿眼薄念時迴腸天風
進蕭々海日縣涼々喧逐土囊裂帳羨雲帆翔衆樹失
高下老鶴追微茫而我獨偏々與子同阻長靜退宴守
道躁趨廼捐常愛此金石貞詎為道里忙相從果無悔
後會誰當忘

次韵陳俞齋七首

明月明年何處看為韵

秋月如靜士炳然河漢明白雲護其清迸作飛空瓊此
月不受彩却行印中庭白雲忽不見我思徒英々

靈魄表空輪隨陽產金玦頽臾白璧成盈々懼顛越陰
陽環無端變化終未歇獨恨今時人相忘舊時月
人言月有桂天風墮微馨開軒睇扶踈西與銀河傾桂
本空中塵那能助虧盈朗鑒自終古匪待今夕明
奮年客清秋望月如望年長身兀孤影哀鴻起清圓落
葉墮我後北斗戴我前勞生果有後念至心懸々
海觀濯銀雪金精融太和始我身上衣光耀何其多感
此萬里意逝將飲亡何亡何豈真樂臨風託長歌
暝樹迴朝光驚鳥不知處群動俱念安客行有程度熠
燿驚宵征熒々化餘腐豈不畏跋履眠食在謹護

殘醒強清坐朔風生樹端客袂何皎々客扇何團々念
此會合意永與明月看它年返舊壑願比青松完

蔣商卿叙其先人客金陵與先子事契末章

復以見屬次韵

堂々金陵州草々石臺路羽書急星馳鋒車却金錯飛
雲古戍基積雪寒沙步我舟欲輕行我馬何踟顧乃翁
入門初此夕傾蓋故寒暄謝浮語信宿陳薄具茲年心
尚孩維時歲云暮艱虞脫九死邂逅欣再遇貞姿固青
松雅曲廢朱鷺二老古先民百歲等童孺微疴隔音容
鉅痛割心腑孤根擢遺肄淳藪悲弱羽緬懷青氈奮力

守韋編素伊優笑侏儒咕嗶陋章句珥貂匪七葉挿架
同四庫談空齊諧虛守樸燕說固芳林極蒼蔚溟海窟
混漢乃知山中雲政異巖下趣心聲要成律易象那可
註羣賢凜無幾餘子藐自數愛君思如泉愛君美如瓠
願為汪々溪勿作翁々附巨構千礎承珍裘百狐聚混
世同舖糟勞生已嘗醋整冠儼初服拂衣謝紛務溝斷
寧繪犧戶樞詎為螽情深盡傾倒醉劇多謬誤忘機絕
矜絜落筆化塵腐水深嘉魚潛雲重膠木怒翮々林間
鶴栖々井中鮒飄零記疇昔慷慨合和煦辱贈難與酬
臨風復成賦

集廉園

芳菲廉家園換我塵中春
古樹不受采白雲為之賓
中列萬寶枝天娜瑤池神
背立飲清露耿耿猩紅新
幽蜂集佳吹炯鷺搖精銀
層臺團松蓋其下疑有人
奕罷忽仙去飛花點枰茵
高藤水蒼佩再摘誰為紉
濯纓及吾足照映須眉真
暝色起孤鳥寒光蕩青蘋
信美非故居整馬來城闈

次韵仲章杜門

今日傭出門尸坐觀我生
忽有故園思寫之不成聲
舍北兩朱櫻翠羽垂流纓
舍南青桐樹亭々如蓋傾
念此

永契濶為爾增拂嬰歸雲
跋西山臨風意縱橫

暮歸

馬鳴千柳昏犬吠一星出
晴全暗歸道客子塵滿骨
入門親踈燈隱若眼中物
展書弗能誦浩氣彌碑兀
古來惜陰士志有不黔突
愧我非等倫顧影竦毛髮
寒風肅羣動勁氣激清樾
飢鳥念其安驚噪落林月
乃知造化理壤々殊未歇

贈黃教授歸閩中

壺山東銀筆秀色倚車蓋
其人清且明十室九冠帶
林鄭陳方劉祥雲布卿
靄緬惟乾淳初朝楚寔
交泰執耳

為之盟多士森弁會澄懷味蘭芷正色炳著蔡彌綸古
編簡粲錯列文貝百川已東流末派擁溝澮飛霜墮
木變脫等蟬蛻艱難老文學世德芬未沫布袍黑嶙峋
慘澹萬里外希音繹風雅一鼓瘖萬籟宛彼孤飛鴻鳴
聲何噦々飢來念其安飲咏欣有賴涼風振脩衢肅々
返征旆懷賢不成章目之結長嘅

送許世茂歸武昌二首

其祖慶元大魁先公嘗
與同朝

岷江下奔流日夜東南趨艱虞六十載蜀客無完居織
脩挂晴練五老為之廬招彼素心人蒼翠垂流珠峩々
銀臺公懷寶耿未攄青桐擢孫枝下此佳鳳雛絢爛五

禾翼披霞表亨衢清音冥鴻遠逸興蒼鷹俱食竹戀苦
志餐風養真腴誓將八極周覽德為貞符歲月諒有盡
雲端復躊躇躊躇固吾事荏苒悲征途

蒼莽鸚武洲日落楓葉赤昂々處士恨萋草化為碧之
士輕且儂之人何急窄至今千載下投筆弄鋒鏑銀城
太古雪轉首一消釋雍容詩書即浩氣裂金石徘徊登
臨意寒波靜如席相逢各萬里未契論宿昔咿嗻語未
盡征鴈起暝色淒涼衣冠聚山海窮畢弋翳々桑榆光
人物眇可識停驂望前坡去馬記初驛

題金華洞圖二首

魏、靈居秀遙岑擁頽霞聞昔受道時三洞為其家金
精裂飛魄躡武陵青華遺彼一寸松樛柯養真芽瞬息
服光景神丹起槎牙下有千歲脂百靈靜無譁此豈甚
祕之服食世所夸真凡路永隔輕生竟如麻
五嶽扶神州葛稚川地記言金華能辟洪水之患洛水胡為魚茲山鎮無
極不竦復不渝靜閱浩劫理兩曜躡玄珠矯首二皇君
寶冠白雲輿方瞳駐真眇濁垢紛何如罪烟聳空翠滴
露凝流蘇神鈞合虛牝松聲自笙竽窈兮忽不見諒此
寧非居

送張上卿燎黃上塚

素質超昆侖瓊胎孕崆峒指木為我母問玄為我翁承
暉企春榮百歲如捕風朝暎何朗輝暮景何葱蘢返真
紫虛臺合歡朱陵宮迴鸞從舞鳳景命來圓穹妙感非
世窺揚靈愴無蹤湛兮合冥會道一為之宗沉、白雲
闕雙鶴鳴青松念此不得見嗷焉遲相從

壽何平章二首

方壺屹祥觀髣彼綠髮仙執簡朝帝居高演清淨言雲
為八表雨水作四瀆泉炳文一以施握之不足奉頌首
陳至詞囊括希其全成虧非至理願言葆真玄
琅、黃石書功成乃言去豈不思濟時嘿焉念其素山

中赤松柯云是童所樹長養媚以深屈曲美無度神光
滿澗谷希夷澹無慮願持一觴言眉壽在謹護

次韵禱詩五首

有客一馬歸屋角羣星明念此惜日苦羲輪何西傾粲
粲風中花弱艷夸芳榮而我獨枯槁欲學身後名

少年觀滄海天濤碧因依下有珊瑚株紅光射雲輝玩
之不忍舍歎歎雙龍飛遠為塵中游坐覺顏色違哀哉

西山士飢食周原薇

昔狂愛奇士接席多大言中道邂逅之捐生誓俱存傾
家謝其意酒至絕不論此士今已矣長年常閉門

幽居集奇觀積雪明寢扉湛々新陽舒寒光騁熹微呀
呀南歸鴈長鳴示其機出處諒有素觴來為之揮
朝遊東門曲壞道荆棘存纍々者誰冢舉觴酌其魂死
無落魄名生有吐喋言所以荷蓀翁臨流漱潺湲遺簪
隱世德忍垢躬灌園豈忘輕肥念苟得誠少息采々松
上花飢來助吾餐

壽程內翰二首

蕩々長壽居丹梯峻蒼昊中有龜鶴所老仙為之馴維時
夏初至園林綠萋々萬神莪冠環參差揚七均行雲鎮
清樾靈波激層津振衣游帝青下土何其塵運與千歲

期正色光景新無為理清淨世儒汨其真君子法簡易
坐致羲皇淳

車蓋交道周嘉醕盡在房有客東南來高歌奉清觴一
歌白日還再歌青春揚師曠世固有八音盪翺翔迴風
下奇雲猗桐非故岡覽之不食實三嗅遺孤芳皎々金
石姿令德豫且康窮河睹崑山出日賓扶桑介此黃髮
期因之結成章

別仲章

飄々貢公綦遠乃至関河関河水為天積雪流銀沙前
有林間鳥後有馬上笳鳥啼思我親笳鳴思我家川流

去不息羣山赴嵯峨余行已東南朝醺散微霞念茲日
不見持觴酌餘嗟

別吳養浩十首

以願為江海深勿
作盃盞淺為韵

孤矢縣高門卓犖四海願登車透且遲永念道里遠雞

鳴當宵行執轡上長坂西北何其高飛雲列奇觀

遊神竹素園古聖儼若思至道篤靜極執簡欲受之上
有奇耦文摩盪光離々持以禦魑魅魑魅不敢為

維東匯為湖浩漾通三江懷哉紫芝叟月明漱飛淙小
言諒以清大言淳且厖去々日未遠奔流鼓奮撞

昔聞方壺居誓欲往滄海操舟迅前邁雲雨白皚々層

瀾眇空洞肉翅不可待朝陽漱靈霞一食毛髮改
古有無媒女閉門泣春深手擲雲錦梭流光耀晴陰千
葩翠交結宛轉不可尋浮雲為之佇幽凰為之吟
昌歎懷古辛在德不在物屈曲寒澗底詎以險自屈有
客同嗜之至享寧勿、芳年匪淹留薄采消永鬱
雲和高岡桐龍腹裂冰電攫之淳且深謖、震寥廓彈
者不復語往者誰可作玄雲浮陰來開戶失雙鶴
緱山仙人居上有玉女盃解髮三沐之清冰盪寒紋神
膏釋翠縷跪坐晞朝暎蟬蛻有變化蟪蛄安足論
客來南榮下欣言酌醞盞觴舉壺已空盤辟復三讓享

之不成章何以為客既客言君當休商聲助余悵
草茂木萋、水勁石翦、相思閔梁深相對顏色淺停
雲渺為愁散蒸可崇饌食之寧永飢臨分復三咽

度淮寄養浩

竹清寒房靜殘月在西壁悄、燈景微尸坐棄枕席井
華飲蟾蜍玄雲成五色明知非世謀精詣在六籍我行
長淮浪凍樹扶春碧夢子白紵寬雙眸炯字激書來妻
在手此意何的、數面不成歡遠別乃復惻歸鴈臨風
翔先之寄深臆

懷伯生

春雨消路塵春風散林纈蕩長安門客子千萬轍城
陰有一士淡食羨不啜采彼松上露煮石化晴雪沉冥
護真性觴至那復說向來舌本淡今作耳根熱維南有
樛枝巖溜滋百結在德良自防居屯詎為折念此長夜
深寒光吐殘月

酬蕭靜安提舉二首

溜泉散餘塵稍軒楹清孤凰起天末縹緲參差鳴佳
音寐萬籟異采含蜚英衆葉豈不光終然吟春榮翻
者何雛和之歆成聲乃知雲間意非復區中情
有客何方來贈以雙南金維時夏初溽寒光激玄陰至

靜閱真賞獨晤諧希音伊江渺風濤伊林復崎嶇出處
各未得冥思結長吟於粲不能報冷手中琴

題劉克之載月圖

磊落太古月搖蕩相君波寒晶爍膏露倒景流銀渦湛
湛洲渚淨天風泛飛槎晃蕩神界中四客嘯且歌憑虛
歷空洞金粟搖靈柯流光閃星斗恠影窺蛟鼉服食詎
在酒三咽顏為酡俯仰會合初逝者已山阿昂菊間
叟秉芳獨婆娑微茫信可傳披圖重吟哦

壽賈叅議二首

粲雪中松八表迴鸞翔下有采著叟澄觀振高岡握

著玩鴻濛竹簡儼在旁
湛馬貫纍珠炳變猶龍章
笑指青松言貞固以自防
網緼乃玄化清雲表奇光
嘉平維吉辰初陽起天心
彩鳳吹參差落空洞音
徘徊碧雲宇實從羅清林
神鼎朝已調芳醴時當斟
損益在我手啓齒歌瓊吟
煌秉令德眎彼西山岑

次韵揭教授官閩中

鬱鬱太古樹蒙生散珠玕
明時炳陽德寥落歛歲寒
天風西北來凍海翻層瀾
芳朽各有性盛衰詎無端
賢水上海黥塵中冠宿志
不得醅奮飛戢其翰伊南
蹇一士羈鴻河之干手持
大雅篇八音佐王官墻陰
卧朝

日薄飯不滿槃邂逅喜我同
金石生肺肝出處非故意
低回耿相看閩山渺雲濤
東望通三韓居夷聖有在
取琴為君彈

寄題撫州先天觀

浩浩太古石雕鏤矜嵒嶮
瓊林化飛騫寶構窮鬱羅
矯首視三光丹青相盪摩
上鄰列仙館西移瑤池柯
玉蛟亦受金鞭撻迴盤瀉
巍雙華表飛鳥不敢過
玄鶴時一來潛鱗淨無波
心跡會虛湛神光隱鳴鼉
緬彼巢居子凝睇佩女蘿
天風入紫京百靈莫誰何
朗言渾沌後龍馬方負河
視之杳不見嘉名表山阿
冥思有至理熟

視時摩挲

送牟景陽教授天台

峨、陵陽翁麟筆凝秋霜採芝空巖曲白雲以為糧微
言酌太古妙思歌瓊章餘人涉其藩自謂真班揚此道
端未泯我心何由降

五良秀高門用處各有在伯如幽蘭深仲若春雲藹
也端可人芳林起新蕾垂天得扶搖一決度江海相逢
慰傾倒曾次澆磊塊

天台古儒林秀士英且明君行振遺緒家學揚清聲文
詞尚理性此弊無由更衆咻方爾羣獨拍何當鳴為問

舒與胡寒庭草青、閩風梅澗也

功名不願多我輩端可免南州已寥落屈指閩諸彦汰
如糠在前得若車度坂愛君不可留尊鑪慰在願黃塵
我何事寒燈起清歎

雲隱齋

油、山之樹翕忽變平陸下上何其勞一息返神谷凝
光養澄觀清潤積新汰知白吾未能寒聲起林木

劉朔齋侍郎孫希孟能琴欲訪子昂觀松雪琴

以詩寄之

雨雪戒脩途苒、歲云暮維舟望鄉國烟樹渺無度永

懷松雪翁買田成隱趣齋中六尺琴清徹仙掌露虛聲
合空洞天籟生磬護勿為離鸞吟眉壽以保魯時有悼
亡之感

送胡安常河南省負外郎

陽春惠澤廣螟動回昭蘇皎、尚書郎佐理勤居諸澄
懷罄輸納疾首宣訂謨黃流交道周髣髴桑柘墟驅馬
憩枯磔詢彼壘上夫歌臺久跡歷商聲助清飲昔有屠
羊子慷慨成須臾感激車上禮朔風為之吁俠氣散鋒
鏑後習翳榛蕪舉觴酌其蹤興廢今何如三河水門記
白粲米東吳願言表里道坐使民驩虞

次韻張秋泉墨蘭

虛窓秋思集晨興愴無餘墨池漾清泉天葩散紛敷愛
此巖中君贈以碧玉腴微雲解蒼佩縹緲疑室無遠謝
丹白昏詎畏霜霰濡守黑志有在談玄道非殊媿彼夷
與齊繫腹不受汚湘纍慨永古世人陋其迂臨風嗅餘
清是豈真緇徒乃知萬化窈妙巧窺分銖幽蜂綴踈蕊
點：游晴虛閉門謹視之黃塵政紛如

清容居士集卷第三

清容居士集卷第四

古詩 五言

夕佳亭

赤雲下平田層巒紫光凝
疎鐘息萬籟晴湖淨奩冰倦
翻戢已栖游雲澹相承吹簫者
誰子空林起孤燈感彼
金谷人恠石膠寒藤壯意耻未沒
水涌風憑陵亭玉
浮圖百幻隨廢興振衣視天末
黯澹銀河升朝曛詎異
境氣寐念始澄

贈養源編脩回嚴陵省墓

峇、白雲阡翳、青松居美蔭
同靈根地易世愈疎清

秋子胥濤縈紆達桐廬欲濟非無航契濶寔歧予昔聞
祖父言結綬來京都束書遠鄉國井邑匪異殊俯仰成
雲仍宰木今何如事遠遺謀存審象窺眉鬚寒暑有代
謝念昔同一初躬耕樂真隱湯仕脩素儒敦叙古所宗
和侃寧有渝

贈昌上人二首

蕭々湖上波搖蕩羣峰秋客有萬古意支筇赴龍湫龍
湫厖眉叟宴坐足未收飲以一片冰熟視了不酬長松挂
枯瓢風靜林颼颼境足念愈忘道充身益優永謝岩下
人深省聊自脩

岑堯蒼玉軒虛聲振寒林我昔行其庭見影復見心秀
嶂出古色浮雲為之陰豈不念世短所樂非所歆潜珍
閱幽躋羣弄誇姝音靖言事當爾江湖眇崎峯送子歸
山阿松風起寒琴

宿竹院次珙橫川韻二首

脩竹手所種參差過屋山微風為之來心境兩相閒清
泉在澗底白雲在松間鐘聲集趺坐樓深流月殘重游
啓深省解轡思掩關

昔游玉几峯老禪肩如山機深削陳迹天馬初服閑念
欲從之遊小築茅三間俛仰二十載黃塵鬢毛殘亭々

石塢影哀猿守松關

送宋壽卿侍御迎養建康

葆真林間下為善心自娛農圃得休息時讀古人書施
食不望報折券不顧餘時至祿自臻門有駟馬車念昔
髻亂子遠牀衣青襦束髮事編簡操觚入皇都勁氣摩
黃鵠危言伏青蒲厖眉笑有言隣曲驚且吁維南帝王
州問俗宣典謨匪規鼎食榮菘水心晏如種德報已豐
願言廣蓄畬蘭生在堂下深根佇扶疎

廣信陳氏擇勝樓

散髮碧潭際讀書叢竹邊怡情學榮觀卜築遵自然雲

蘿左右嶂雞犬東西阡羣動各有性孰念靜者憐翳
昔賢居遺跡故老傳化為神仙宅高木昧蒼烟松風起
萬壑哀湍助鳴絃觀萬詎在遠泯嘿師韋編

潘孟陽上書不報歸里作五詠

賈生蘊奇畧徒步西上書昊天有正命傷哉杞人愚鵬
翼垂雲來魂氣與之俱鼉氏竟寐主父復何如
襄陽孟慶士拂衣歸故山放浪巖壑深流咏遺人間舉
袖巖花落擊楫江鷗還羊公何隳淚水聲日潺
梅生一尉卑喋正天紀洗心洞玄化削跡棄妻子龍
變孰能馴蟬蛻乃真止松迴風冷水落石齒

虞卿舌轉九揣事精微
茫事危見交態窮愁名益光
黃金散逝水白壁凝飛霜
丈夫有定志得失非預防
仲連匡世姿揮手却秦軍
掩袂停白日登車抗浮雲
射書誠草孤城生死分
辭榮敦薄俗矯抗離其羣

題盧溝烟雨圖為吳成季作

驅馬上河梁圓暈新雨紋
矯首層闕魏翔鸞散奇氣
倚南雙松樹百里風聲聞
束髮入紫京去住心如焚
送客醕我觴我醕不得醕
願化為黃鶴朝夕隨飛雲
上以奉明主中以承嚴君
徃復三十年奇齡合氤氲
結袂安期子啓齒歌瓊文

滑州從事持喪三年將終養其母郡表其閭

東魯秉周禮化俗何簡媮
崎嶇小滕君冠蓋交道周
漢帝仁且明遺令誠咿嘷
駟馬不及舌坐貽千古羞
濫觴始膚寸奔流淪九州
昂古先進免曹希前脩青
松為之枯慈烏為之留念
此歲月短解紱安林丘華
楹表槐柳細石寒泉流
氓嘿區中人章甫慚沐猴

孟和卿旌表

濯纓息機事枕石聽流泉
感彼蟻慕人駢首爭遺糶
黃雲翳平壘持以防歲年
河流滔天來積浪翻中田
招携舊隣曲寒林起炊烟
冥報非我願表宅增惘然
紛游

俠徒黃金生愛憐原生處蓬戶屢空聊自全

雲中郝孝子

混沌鑿既久重華以孝稱悲哉短喪徒稻錦顏益矜詩
禮行中州衆說交沸騰挽十不得一閉閣徒凌兢芒
古雲中土屋塗層冰下有郝氏阡馴鳥為之增大圭出
至璞匪以雕績能寒泉冽古井零露溥蒼藤淳風詎云
遠相傳在雲仍

送沙君寶宰邑

舊為翰苑印史

尚印宰百里寒厓水粼粼
埜曠牛羊低山深麋鹿馴持
觴接耆老種柳迎行人陶然樂清淨絃歌足青春

次韻馬伯庸供奉書館書事二首

瑤臺麗層雲秋聲起琪樹織翠藻井波凝碧鎖窓霧雍
容列仙集晴雪炯振鷺念昔經啓初櫛沐合生聚簡冊
迄未成春秋奉神御魏冠
冠函夏握筆慙繪句玄尊寔
明水越席敷大路崔蔡心匪迂終焉才名誤
神京奉載筆需雲歌肆筵匪謂歲月虛聖代深養賢微
踪愧三入取禾踰十千馳神竹素圖鴻藻儼古先羣雄
寶書聚彌綸乃成編微言耿玉絜潛光媚春妍往聖去
已久八音盪敷宣元運合豹變高閣踵蟬聯夷齊乃首
傳冥思豈其然

送馬伯庸御史奉使河西

青瑣倦迂散執轡踰關河黃流何奔傾積石何嵯峨承
詔撫疲疇驚鳥在林柯沙場有凍骨楚畝無遺禾日夕
寒雲聚宿燐明巖阿訪俗感素心因之聆咏歌
詠歌者誰子被髮號天明婦死不復悲兒誰與耕承
平五十載不識戰與爭殘雪流銀液我泪同其傾古云
百二險夸誕生甲兵孰能轉夷途歷劫永清寧
清寧闡文運覽彼古帝都秦聲激豪宕洛詠夸敷腴印
山何累下有白玉跌感彼秉筆人百金盡其訣死者
已矣歷茲文亦糶糊偉哉龍門生悲憤有遺書

遺書紀河源荒忽不可識君行河之西春雪深五尺茫
茫賀蘭山抽矢石為鏑坐閱三姓王聖代始斂色沙羊
護氈房名駝候土驛觀風慘無傳雲端羨飛翼
飛翼西北來遺我書赫蹏中有陳情詞復憐雙雛啼楚
曠川無梁積荒氣候淒雞鳴葡萄根虎嘯苜蓿畦清霜
集素裘斗戴天益低頓轡不得上雪山在其西
其西何寥々云有古先生巖居時一食委形澹無營朝
日炫丹碧匪以斤斧成如何驕榮子騰孳列層城驅力
超北海逐影徙南溟誰能佐玄化泯默有遺情
遺情在相思舉酒不得起永念編簡功篤志刊綺靡傾

蓋已云舊知我定知己送君河之湄凍柳光蕤，脩途
馬飛翻少立盡瞻俟植德綏令名眠食慎道里
道里吾何能託身承明廬我冠養深拙清塵辟脩途驅
馬李陵臺望鄉問長鬚長鬚不能對吾行益次且羨君
萬里道晴霞起襜褕天山諒非遠推牛植枌榆

月巖

峻壁飛鳥絕積鐵成臺隍感彼玉兔精皎，芙蓉牀萬
古消晦冥六月生陰涼道人悟空幻跌坐鬚眉蒼觀境
不以色湛窈回真光虧成衆妄集嘉名表其常松聲起
萬籟朝陽曙扶桑

夜集西太一宮分韻得草字

晝窈白雲深聯鑣集瀛島南枝當戶生積素流羽葆孤
鐘息羣動獨鶴候清早石枰松影侵持觴俗塵掃春風
散琪樹頃刻光灑，玄談發嘉獎夙昔恣傾倒偶爾同
心期還山寄瑤草

史氏報春堂

白雲在屋角凱風生樹端下有慈竹叢低昂候平安盈
盈玉雪母光若赤瑛盟朝奉鶴禁恩暮承龜臺歡教兒
誦經史清言消綺紈築堂深且明朱光映庭蘭寸心諒
匪石寵辱非所干世故疾危岌奉盈身愈完願言樹明

德朝夕應加餐

送于思容助教佐濟南廉司

黃鵠不可招越雞乃司晨圓冠壁水游玉雪映陽春
篝燈玩太古垂簾辟深塵遙望淮南山下有白頭親
平生汗簡意朝昏具芳辛念之不得見顧影非我身
檄書臺上來駕輿還海濱晴風破遠浪慈鳥飛且巡
雲帆蔽吳粟濟用懷經綸為儒究理道六籍彌光新
空林闕幽蘭嚴霜養脩筠明德在謹勛雍容奉昌辰

天師留公返真空洞步虛詞十章以導游

魏：道祖居層構凌丹臺手持赤龍書八景剛風開感

彼下土人積劫何崔嵬偃伏永壽命夸誕魂益哀
愀然彌不寧招我雲孫迴白鶴俯前導青童戒俱來

嵯峨金碧閔神魚伏深淵呼吸空洞烝子夜朝諸天
頃刻風雨集咫尺星斗懸長嘯千仞溪寥々生紫烟
飛符戒神魚歲久助汝仙

玄圃饒竒觀陽葩霧霏々玉壺湛清冰瑤琴銷金徽
混沌合空洞絕此見象機松風代揮塵縹緲白縠衣
輿移暘鳥逝節弭川虹飛碁局儼未終白日何熹微
蓬萊乃故山為我一來歸真風詎永隔神光澹依依
崑崙鎮鰲極鬱儀交結璘故歲非我歲寧復論秋春稽

首三天師彌綸返真淳精思彼嘉生雲施均萬民至誠
發自然不著亦不嗔運世有通塞六龍無停輪洞章激
微吟長樂自在身蟬蛻乃清淨跡絕虛中塵

挹秀麴醴泉蘭馥鼎初調絳旗開景光下招徹紫霄連
蜷靜夷猶感彼父老邀司命二十年守素澹不離蜿蜒
澍周原顛顛尸江潮瓊章遏清咏丹輿導逍遙視之不
得見白雲在山楸

南嶽雲輪困英、生紫華靈旂澹無蹤來集玉斧家玄
螭有遺跡望斗紛騰拏鞭撻隨三光服食制五霞上經
永授之火鈴從飛車

嶄巖陽平閔古松化為人千歲永不飢食之朝帝真中
有一寸玉寒光敵金銀上結三元炁下援七祖神舉世
尊禮之靜念通至仁

留城平蕪連雲深樹沈瀟磅礴經濟心永劫常不彫河
車孕長命方瞳生本條瑩如珊瑚枝粲若翡翠翹諸天
咸唱恭贊我玉晨朝人間倘再至玄化助神堯

仙巖鬱寥々石倉貯餘糧云有狡獪子用物能陸梁山
花聳寶髻雲蘿曳青裳永念斷真妄帝令深且長境化
道炁增變滅始真常參差應虛牝羣峯屹相望月落杳
然去泉鳴玉琮琤

朱棗何纂、碧桃何團、感賞千古心生世常苦煎
翁啟珎館金母和紫鉛三咽生羽翰空飛集諸天真炁
常流灌眇、後綿、桑田海波滿彈指三千年

大名劉節婦吟

孤鶴不累巢離鸞不飲溪、明難為影巢成誰與栖飄
飄無根雲流麗如虹蜺下有貞松臺白日晝且淒我思
徹霄漢冥邈不可梯青、東園柳子規當樹啼來者何
用歡去者日以迷擊石端出火擣辛能作壑妾心倘未
明請看井中泥

育王珙禪師示寂二紀嶼上人回山中因寄瑤

王

石塔累荒土月落冰稜、永懷跣趺叟松風吹不磨磨
山房舊淨供素壁一枝藤語寂絕禪觀機深超祖乘擊石
迸新火諸天化為燈上有白玉峰丹梯杳難登黃流鉅
壑漲虎嘯懸厓崩斯道倘未泯微言足搜徵

胡止水家三衢自言文定裔孫來京師三年念
母以歸前述家學二篇以相勉後成一篇以遲

其來

武夷春秋功憤激渡江主寶書恣殺訛竹簡錯編組素
王魯諸臣舊史足徵取是非紀其真曲直槩可睹紛、

燕說徒誣蟻增巧妬日月例愈深
災異說彌盡或言九世讎
晚歲進吳楚羣公骨已朽
聖筆孰與語坐曹徒深
文曲學日旁午苦心抱遺經
願言復師古泰元積磅礪
日月仇經緯煌煌往聖學
鈎考合表裏大道侔玄功
不偏亦不破至靜貫幽顯
萬變集蜂蟬漢儒闡其端
逐物失聽視旁行分戶牖
蔓說糅淫渭緬維五峯翁
正色直如矢謝彼憧憧徒
感物志愈肆室虛生至和
鼎渥寔珍味歸求真吾師
勗哉蹈前軌神京鬱嶢峩
冠佩清且揚秘丘積縑帙
瑣窓爛琳琅有容願從游
永言觀國光或云是鈞天
九閔嚴且防朝望

羣馬入徃來間成行彩鳳鳴聲悲裂臆思絕
吭知子親見之素心益徊徨希名養簡嘿勿為衆所傷
還家拜慈母祝以永壽康春風戒重來歸鴈同翱翔

贈餘姚岑易直登第歸里二首

束帶登玉署鵠袍立參差
筆海春波融沈鬱流竒思
徘徊諧詎素願阿世非吾師
寥々天人際載牘陳雍熙
媿青昧正說擬玄騁荒辭
劍鼎有至味酸醎異其宜
有客奉瑚璉願言播聲詩
初歌玄鶴舞載歌鳳來儀

東浙山水國冠帶連畦畛
清門徭役空華屋詩書泯
晴江脩竹宅燈火敦孝謹
下幃論唐虞浮榮陋朝槿
擔簦

京國游射策疾飛集精思坐待旦古巷絕游軫蒼松蔭
婆娑丹芝凝蠹菌乘時足變化樹立在俯敬

善之僉事凡南歸述懷百韻

並轡承明廬荏苒十七禩陽林集總翠與室麗文綺寶
函龍鳳章玉佩鷓鴣時泰帝興鴻文奎壁憲天紀梗楠
購羣才弓帛徵四起番々古遺直正色論道理深幾虎
生風神契魚在水三光密轆轤一札見萬里雍容丹地
近經緯審國是霜賚黃柑冰盤錫朱李蒲萄與法酒承
燕時漱齒俯陳天人際齟舌衆披靡始言官高早予奪
慎其執終言瓊林資海宇極鞭箠愴情曲如鈎謹論直

如矢或以首鼠窺或以妖狐伺奏終慶雲開再拜玉色
喜天青回海鴈萬柳色蕤々屬車度居庸整隊行過蟻
老臣汝居守清霜慎顛俟秋風龍虎臺帳殿紅旂旒前
驅列鸞鶴後御肅犀兕分行獻瓜果傳醴復長跪念昔
詞臣功咫尺寫天旨大令追風雷小言婉蘭芷約制如
竟寧渾噩回正始告廷趣揚休建社追賜壘搗文具明
訓援筆謝填委飛濤捲天吳歷塊超駮駟咿嚶思澤侯
過手直三褫園丘導景化秘祝陋五時漢皇禮鄒枚食
粟倡優比遺恨存至今文俳等方技緬思周廷彥勢若
鹿角倚懷忠牖納約凝命鼎出否追琢羅寶尊刻鏤羞

王篋朽索馭匪輕深淵涉無涖煌煌金匱書世守司馬
氏春秋尊為經不復繼魯史朝光鳩鵲明千花爛朱蓋
松風轉回廊蒼玉振徒倚龍荒啓神武九域極芟薙羣
公儼侍御挾矢佩象弭臨河誓剖符披圖開賜履永言
卑退全罔以強力恃獻功上王所百一存寶度龜趺負
穿石浮語極褒侈墨兵勦衆安筆獄破積毀載筆非無
能終歲不滿紙坐曹心靡寧愒日頽有泚清談襍諧語
陡覺西曜駛自取木鴈中俛首供諾唯文章日輪困涉
署絕臧否或以彙升拾級上堂祀或云選清望後至
寔奇士迎塵馬文趨侯門足爭累冥鴻天機深却立賦

三已總角勇志道奇服曳芳蒞澄觀竹素園讎勘徹昏
畧儒宗丈人行聞欬輒倒屣深湛皇王學揮手謝青紫
辭卑相如賦操擬靖節誅淒涼五公膏洪忍羞筮仕孤
音歎寡和激石轉商徵浮雲蒼狗來龜勉渡江記湯
黃河道桑棗日淪圯耕童戲殘鋌一古戟壘霜叢射
新兔春蒲貫玉鮪荒州靜無事拍手歌于藹枯灘鐵槎
牙積溜玉迤邐太史非好游所歷廣聽視振衣入閭闔
姻契論不鄙相期在霄漢薄祿慎礪砥趨朝曉同班退
宿昏共止填膺雙髯張快意並手抵談經陋茲茲證字
窮亥承斷絃搜麟膠滅跡問獺髓愛兄靜以紮振鷺立

水吐霧深沐玄豹日炯粲文雉鏞鐘倡鴻聲衆樂奏立
伎向來論文意瞑目謝諸子出處今不同評議寔相侶
維吳稍蟹區民俗久瘡痍負擔蒲稗齊富厚丘嶽峙傾
金恣聯絡所至各閉市令儀養叨懶軟語色詐詭鄣解
都中夷景氏閨內徙坐令襜褕徒終歲力耒耜興文楫
清邵省罰厲廉耻重華政垂衣化俾風俗美行一度東
魯楚水足荷芟微吟數魚網薄睡倚烏几漁歌起微茫
逸興舟戒樣人言居移深嘉橘化成枳不見千金泉一
軟夷齊擬離羣增幽憂溽暑積滯澁登坡帽低昂跋馬
益遠企管鮑非利交金石誓生死著鞭訝先之稅駕亦

逝矣共享黃髮年斯文永綏祉

題張中丞東亭圖

舊墅習真隱新亭幽且妍芳菲家林春引眊增推遷令
德資先猷嗟峨白雲旣總角精典籍承顏綺襦鮮寒泉
感逝波高木矯蒼烟欲論林間趣浚掃區中緣拾携奮
鄰保舉觴問華顛雞鳴柳陰直魚跳水紋圓開田穀盈
困種果花滿川荏苒白玉京念至心惘然傳忠匪懷祿
立身盡貞堅披圖耿素志功成賦歸田

曲陽李孝子

寒雲生秀嶺朔風盪脩林烏兔日以馳幽巖增嶽峯朝

看壘頭柏零露珠滌、有饒不能舉有酒不得斟
月下衣浙瀝壁上琴登堂痛躑躅審象陳輿廡重華古
孝帝五十猶素心坐令比屋封表里存遺音立名在樹
德戚、非所欽嗟哉曲陽生未書振華簪

送趙虛一道士降香南海諸名山

往逆虞伯生
降香成都

振策峨眉嶺身輕暫飛鳥懸崖飲崩流側石穿暗篠高
騫蕩心目每恨所歷少捧香南溟使絕足騰驪襄龍淵
明玕秀恍惚百靈皦乘飈訊八公挂席抬五老巖光候
陰晴水氣變昏曉神君層巒倚商祭通杳眇念昔結空
寮崖广絕登眺希彼巢居子寢作止林杪鐘鳴驛吏動

危坐萬籟愀餘齡水赴壑歷塊跡電掃韜精習澄觀俯
矚八紘小

屏山堂

賈星化飛魄脩織屹青冥何人媚幽獨喻物傳真形想
此宴坐時參前平且寧朝霞紅冉、暮雲白亭、中立
羞卷舒廊寨慎儀刑君子法至靜處身視行庭古聖儼
未忘觴豆爰有銘茲峯合混沌胡然命為屏天空月當
戶陰風走山靈

題輞川捕魚圖

洛口疾如箭駢頭頰尾鱗散網巖隈泊千漚水花勻輞

川蓮社侶百味不入唇時危涉飄蕩急管悲青春不如
漁師樂風水候昏昕連檣坐翁媪茗糜接婚姻永謝朝
市客炎涼生喜嗔

子昂墨竹

高風法清聖直筆師素王湛々玄雲姿靈籟生幽房解
珮白玉京誓將泛滄浪可懷歲寒友臨分贈琳琅

可竹軒

種竹水邊宅岸幘晞餘清湛々玄霧姿匪以介自名條
達辭黑墳英光表朱明窳歷巖下泉旋轉空中笙神交
習真靜恬養忘虧成南國倦溽暑鬱陶起深情展席卧

其下仰見疎星行始悟晉諸賢嗜此誠遺榮我家十畝
園新籜流珠纓邈然送歸棹矯首蒼烟橫

子昂雙木竹石圖

朔雲盪空輪羣芳益搖落老木兢且嚴化此雙鹿角粲
彼江南枝歲晚彌卓犖或言石五采服之混沌鑿威鳳
招不來虛聲起阿閣

以劉士先子墨贈薛玄卿

虛堂集萬竈高下旭流螢寒膏玉虫綴幽光耿晶熒巡
行蟻旋磨龜手日不停範圍金屑精膠鞞桂杵靈劉氏
祖子孫妙訣通玄冥沈々緝熙殿函封英露零龍箴

鯨海黠淡松花馨往事歸逝水殘壁傳千齡雲館道氣
窳守黑深儀刑散髮結瓊章研摩固幽局持此以遠慰
點翰補黃庭

飲酒禱詩十二首

春至舊疾作晝眠聽禽聲總角耽六籍萬化何縱橫觀
象太極初始悟無虧成環中秘靈根羣動一以貞吾欲
乘彩鳳截篁以為笙上窮崑崙下探渤澥清
夜黑雪初白高卧益自怡起看庭前柳冉、青春姿長
松在西山鬚髮流銀澌豈不念歲苦老壯當固持事至
勿獨戚時來詎人為得酒且深醉淵明果吾師

京師二十載酒中有深歡大雨即閉戶朔風嘗解鞍客
至輒笑之是豈宜居官振容筮神著鴻飛漸于磐百歲
苦世短萬鍾非我干所以東方生吏隱神益完
陽鳥乘南雲飄、振竒翻迤此梁稻謀居移遂成客愧
我食京塵誓墓志未獲雙峰十丈松下有千載魄當年
侍蓬瀛香芸森寶冊高齋集遺編朱墨猶手澤戰兢愧
匪承永念在行役
少欲觀滄海下取珊瑚枝穹龜負玄文靈鱗揚朱鬣盪
舟不能往寶氣時紛披有客方壺來授簡雲羗、一以
叅太極九以師庖犧振衣海神泣舉觴山鬼移

少觀五嶽形五性各有殊神州養深知百靈受馳驅申
申安樂翁定洛為中居契孫乃九遷舜詐平陽都神京
屹金臺五雲玉芙蓉始知天經旋積氣為堪輿
家鄰天台山云有二子巖巍峩太古石織脩蠹雲尖上
棲西竺僧雪色垂鬚髯二子與之游作詩清且嚴乳花
散瓷甌瀑布飛銀簾醉醒夢見之謂我何留淹
南簷孤生竹歲暮柯葉蒼豈不念道里因之摧雪霜夷
齊盧龍居胡為乃名揚入水蛤有文踰淮枳彌芳受性
諒匪移臨風醉吾觴
弱冠不飲酒篝燈橫玉繩或云酒中趣湛、浮雲蒸棄

書試其言果若烏輪升天根轉晴雷堅城為之崩妙言
粲瓊屑逸興追飛鷹醉鄉倘可居無功乃真朋
醉中蒺藜語爛如錦中花急、抱蘆鴈肅、投林鴉欲
別意深省瞑目不復譁媿彼獨醒人揣摩生吐嗟下馬
暮入門雙目含飛沙醉者忽復悟振衣正烏紗
江梅生空林歲晏美無度挈身踰朔易塊獨此室處羶
房望朝陽耿、不得語雕籠粲玆禽悵望秦鄉樹爰居
東門止盛饗非素茹臨風嗅其英雅志懷故土
嵯峩白雲所種松在山腰散之不盈掬離、如麥苗迎
陽漱靈津參差拂雲霄露重碧天淨玄鶴時來巢俛仰

二十年髮齒日以彫寄聲謝玄鶴相期躡岩堯

刘氏義門

芸閣寶書輯靖言由外孫感彼南山豆淒其北堂萱昂
昂壽母懿槐柳植高門潛夫豈無論莫述寒泉恩時康
廣女史願以銀管存

述郭楚望步月秋雨琴調二首

明月當清空流光滿西墀振衣獨徐行耿耿長相隨我
心如明月萬古無成虧偶逐區中名遂為塵所欺抱影
長夜吟別鶴同離思行矣歸故山探玄結幽期幽期永
勿援護長嘯彈朱絲

歌枕絕幽夢卧聽秋雨鳴寒葉不自持撼之金石聲清
商肅萬物此聲何不平寤歎生遐心夙昔羞近名千金
隴頭客荏苒朱顏驚此夕秋思深斷續難為情載歌招
隱辭臨風寫餘情

送吳博文歸天台

中年困菽水絕足萬里道舊家天台山清夢常草々秋
雲起晴姿思逐冥鴻矯三年鄞江上微祿紆素抱緬懷
揚雄宅古徑襟幽葆童年手種竹翠羽挿雲表還家恍
南山訊俗憑奮老清名天所閱投冠詎終保鳴鞭踐脩
途置用寔國寶英才剪春葩醇語酌清醪解榻定有人

行矣趨微台青蘿冒寒猿
深啼怨清曉
昂、泰湖槩直上遼海東
層波起青兕出日搖蒼龍中
有仙人島卉服雙碧瞳
手披古墜簡返真極彌縫
季世日以漓神功貫鴻濛
維聖居九夷駕言挹淳風
象情習近慕飛塵咳青紅
觀瀾悟玄化白雲澹無蹤
遠游豈不樂感悵非終窮

得一齋

清齋不知歲尸坐觀芸
神珠護靈淵歷落光景分
先時謹橐籥執機合細縕
淳音出虛牝百靈蟾無聞
九閔

肅夜令星斗森玄雲永玩
泰始體握之象成文緬言
延年士服食為奇勲寶氣
倏消蕩纒竟丘墳念此意
愈冷幽居匪離羣

次韻蔣遠靜二首

陽靈貫竒璞棄指荆山傍
悲哉三刑翁矣空泣飛霜此
寶不復試襲緹乃深藏百
神靜護之石老日月荒
幾五彩雲散為白虹光
追琢在所用持以登明堂
猗桐生玄林繁陰閔道傍
永斲雲和器十指凝冰霜
玄鶴何方來鍛翮感摧藏
合為清商曲行雲渺荒
素心諒平和鑒彼明月光
置彈集吾聽遺音在高堂

次韵鄭景尹二首

弱歲拾琪葉耿々金石音遂為閩河遊衆嗜非所欽
曳裾入承明寶策紛珉琳秉筆直塗竄嗒然養書林維南
有佳樹寸雲出遙岑遲之不肯來辭以道里深跂予匪
朝夕盟言在茲今
層臺望秋林華樹在其顛上有青樛枝為我玄鶴延良
時豈不感盤雲復迴旋瓊英失零露百卉爭忿恚願言
保遺直勿使衆蔓纏一歌以慨懷再歌朱絲絃

再次韵

潜魚護嘉鱗雛鳳含淳音束髮勇聞道執御羣公欽痛

哭悼賈生敏給卑陳琳荏苒歲月遷厠身羣玉林飛塵
化玄髮所歷多崟岑精衛有猛志不畏鉅海深遺聞理
墜簡修名匪垂今

古有惜陰子現日扶桑顛雞鳴起中夜紅光朗流延吾
欲挽其馭與天同左旋志士不並世寸心增結怕神澄
水鏡淨世閱徽纒纏鄙語襍謬悞奉身直如絃

观圖書次韵景尹

少遊竹素圃學道希心傳祖德允遐聞履冰凜求全素
衣入京洛飛塵浩難湔車書煥皇度末技期雕鐫稽古
在簡要敢侈三萬言煌々羣玉府遺跡森炳然滄波蓬

壺島古石仇池天方諸變毛穎寒暑隨推遷感彼傳翫
數寸心獨悲情淒其衣冠聚拱木思昔賢籛金白雲化
青箱游蠹旋寥々鈞天夢髣像追四懸尤物詎足貴尚
德庶永延愛君閔神珠出水復媚淵六籍儼遺訓精思
貴誠度一撫玄鶴操以賡雲和絃

次韻廬山黃伯玉東漢名士十詠

食肝不知味詎為口腹人紛紛五經學講道踰八珍古
來植名士殺身以成仁念此七著微少忍非傷貧高詎
動白日正色凌三軍仲升固義士井生乃天民
漢季日頽靡莽々蕭艾叢孺子南州彥獨立風雨中兩

為故人弔斯道萬物宗湛兮如止水脫焉如捕風儉德
良辟難栖々何為容耕稼詠典籍食志非無功

冰度長閭巷奉高獨先知盛德眇莫名鬱為時所師朗
陵一邂逅此豈髣亂光幽篁抱靜節游龍隱深陂至今
百世下清風散肝脾仕止適天運不喜亦不違薄遊河
南道還家復牛衣

力田南山下久卑不學恭每於風雨時執禮夾路中既
墮乃失聲此意人所同厲行名益彰無懷道之宗郭公
果善相千載我欲從

伯鸞事沉冥作勞賴仁妻身隱不願文更治山中棲浩

歌五噫詠麥秀何凄々遐征詎游觀鳳鳥不復來羸博
慕季子居夷法宣尼幼無適俗韻與世非寡諧至今青
青冢猶有鳥啣泥

古有逝名士洗耳東海東韜精事肥遯浮雲藐王公被
髮或佯狂垢形滅其蹤季世事標榜紛紛競隴山所以
康伯徒邈焉不知終
幼安家北海流徙來東冥一帽常挂頭破席屢見經六
籍躬探微衆說紛聚螢老非諸侯客肯至王公庭華生
竟夭折管子終康寧
龐公老江漢性本愛居山采藥山北涯歸鷗送之還青

林酒一卮白日第三間時許眼中士非鵠亦非鸞性不
耐束帶矧肯貪王官似憐牀下子崎嶇郊金寒靜性閱
變化道充身愈安乘風學輕舉寒蘿杳誰攀
中郎天外鳳北海人中龍鳳以五采萎龍以有梅終失
身匪素志尚言乃真窮舉世習玄嘿暗韋爭長雄之人
佩瓊琚肆言刺羣公落口掇真禍悲來事容々蘇公起
深悵蠻江盪舟中

荀陳兩家子龍鼎合雞彝昔嘗窺其圖一々無吝廡空
巖古桂樹崔嵬匪今茲想當下車時羣雛古威儀行酒
拜滿戶入門揖當碑惜哉或與羣巨構頽其基

我家司徒公清德炳漢朝盈、丙丁綬燁、尤右紹謂
此非世美脫去孰敢招榮木固同根其末千萬條勁節
或峭正孤吟或清寥世遠人事踈耳冷心志消瞻企法
天運盛衰感江潮束髮六籍功矢言期久要詩來振遺
響縹緲孤鳳簫前脩果未沫百世詎云遙

觀真文忠公畫像

羣賢輔絕學峩峨武夷峯熒々方瞳光汲々汗簡中緬
懷文明初蒼珮極匪躬執筆侍玉署妙語工彌縫飛塵
變蒼狗潛淵閱游龍空餘經濟心勞徠飢飛鴻濁水投
神膠揚清乃奇功喬松不並世寒飈轉秋蓬生世我已

後正緒道顓蒙惕然拜公像斯道非終窮

曾大父樞密越公嘉定辛未與先生同官奉常寶
慶初同為侍從先生被黜先公亦以論邊事去國
獲拜遺像併識于后
王忠簡公嘉定入朝曾大父越公獲隨班著暨端
明公嘉熙間以西山先生門人敷歷麾節先公則
已捐館榘向游學婺女得拜端明公之次子令尹
道家世遺事纒々不絕口今復見其孫申伯于新
喬木摧落榘深為此懼瞻仰西山先生遺像因叙
事契併以自勵
亦以勉夫申伯

陶道士心遠齋

少秉丘壑志養真事深寧清晨脫章甫習道誦丹經熒
煌金碧居明霞啟殊庭迥形托榮觀漠然守心局矯首
西南雲飛蓋垂流鈴八表散清雨歸林何亭々緬懷靖

節翁舉觴日沈冥之人靜且修奇服養遐齡長松舊云
植秀色日以青素心靡違只矢言寄山靈

寄題郭靖州絅齋

靈曜動索籥萬物俱光晶湛然齋居子韜精獨沈冥飛
梭織翠霧層冰瑩踈星製為蟬翼衣無華靜儀刑愴兮
神君來不咲亦不頽一以却氛垢一以永千齡我欲從
之遊車音振冷々

清容居士集卷第四

清容居士集卷第五

古詩 五言

為贛州連教授賦梅城

稜々太古根縈帶鐵不如飛塵望其藩却走奔無餘中
有冰玉人指揮萬瓊瑤低昂受其職補理成扶胥天空
斗搖寒令嚴察孤虛練袍立清夜鮮明映犀渠積雪誰
為驕慷慨紛糝糊陰陽本一氣開門使之俱險絕貴有
道面壁非吾徒司晨起視旦蝶夢方遽々

泊貫州次韵仲章

沙塵暗河津遊雲蕩無餘忽々萬里念眇々孤鴻俱風

水淹行頓異縣非故居雞鳴逐前邁殘星澹遺珠空林
楚氣肅古樹慘不舒飢禽何其悲驚飛扶鳴雛迺知俛
啄意愧我將焉如道遠怯驚隘終憶山中廬誓言息機
事解纓慎馳驅初夏鬱新溽永日誰為娛回之寫初志
臨風復躊躇

次韻呂學正古意二首

初筵秩嘉賓容氣清且明至饗不在酒尊壘粲東榮傷
哉崇飲徒偏宕四坐驚中有獨醒士覩然愧非輕持觴
懼濡口孤吹幽凰鳴永飢詎遺禮俎實期克庭
苦心嗜昌陽古澗香莫識之人遠持贈藉以五色石石密

節懷黜章寒暑端莫易三咽迴中腸起止良得力舉世
希妍英林蘭正紛職慎勿強嗜之酌泉澡其德

次韻元復初春思三首

凍樹迴青陽羈禽競新哢喧人語浮稍春事動澄
心絕芳華小睡足幽夢夢覺天宇新朝光集飛棟
遊塵逐平臯秀色翳榛莽油雲互東西鬱抑不能兩昭
蘇在玄功竟夕復延佇何當扶其巔振翮窮委羽
遠客芳草思湛々天外舟坐令親知踈位徊此淹留古
樹擢竒石清流匯芳洲素心諒有在胡不為茲遊

雨後聞鶯

衆卉沐新雨幽光澹餘情岸幘碧窓冷卷簾白雲生起
坐調素絃促軫流鶯鳴侶言田家苦招我田中行昨宵
殷其雷願言興滿盈

送李德隆經歷其父居澧陽因乞郡江陵以便
省養

悠悠澧陽川飛鴻去無極白雲眇何方抑鬱萬里色念
之不得從肉臂誰為翼翩然領南郡解此終歲憶楚宮
昔壯麗冠珮列瑤席瓊英輯佳思落筆洒金碧淒其千
載下正氣堅鐵石想此問俗餘酌酒追竄歷平生功名
意甘旨惕朝夕懷章遂其初居夷亦云適藝蘭襲孤芳

種橘企嘉植永言區中塵過隙殊未息

節婦吟為蒙氏作

幽蘭淨如洗晝靄桑麻墟天低泣清露因依護紛敷春
風遠相負迺在萬里餘明月流素光願鑒夫君裾荷戈
力行役誓將保無渝難以一日權永失千歲娛
蕩、明河側雙星隨斗移會合靡有覩恍惚生恠竒古
意不復識今情益多疑契濶三十春百年以為期白首
一邂逅孤芳秉華滋感此初意深臨風託長辭

次韵范德機海鷗篇

黃鵠海上來逍遙游帝所窈、九萬里五采紛異覩朝

霏西山霞暮結平地土啾啾舞晴翠鵠首不復頰孤鳴
者何禽振翮亦遐舉檐宇邂逅之落月耿清侶芝糧產
層巔蘭珮在遠浦八表同其光欲言泪如雨臨分致黃
鵠出處各有許方壺渺麟洲輪困為君佇

送任懷可

跼、水上鳧游、釜中魚鳧飛不得息魚吻何時蘇興
言夙行邁晴秋振脩途挈衣海上州出日搖珊瑚采瓊
以為糧拾羽以為裾妙顏感芳蕤流光耀陽鳥盛意勿
復沮清氣餘維南有英雲矯首出門初團、御飛
蓋隨君、助哉植明德含章俟昭圖

遠飲仲章家觀芍藥分韻得一字

深沉碧雲居錯落紫瓊室芳菲護餘春清和表昭質高
叢吐駢剛新茁角繭栗傾心愛膏露正色浴初日含香
紫宸朝奏舞彤廷佾駢頭澹無妬背面意愈密杯翻玉
母下斗碎壯士失霏、玉生烟漾、珠吐液絕容第無
雙薄醉飲真一嫣然屬幽賞為尔寫清逸

洛詠五首示洛人張孟功任大正

晴雲起嵩嶽變化如游龍感彼金谷人聚散同飛蓬縈
紆古瀍澗百井爭汲春昔有陳思王作賦雕層空相望
不得語遺情寄冥鴻金隄手所植荒淫意無縱

三川鼎沈淪洛水以土勝如何羣英聚千載甲兵競仙人王子喬吹笙白雲頂下視北邙塚今為孤兔弃斷碑化灰劫來者日以盛箕山水冷側聽蕞深省森、古名園玩芳納玄覽澹然觀物翁欣至情不減看花烏帽落秀色起晴臉一、卿相居舉觴雲氣湛尸坐寒暑遺妙言天北範一去三百年寒松白雲黯昔有好竒士絕頂觀海浪神泣肝胆翻興逸天地致泥金與玉檢縱筆紀其妄茲山久寂寞著履事幽訪太少何嘗堯兩曜隨下主彩鸞凌風翔疑有帝子降經郭闡微言理窟洞玄化汲、嵩山叟反復窮代謝白

壁匪有瑕後賢極譏射麟經書亮卒外臣不以假如何莽大夫簡牘得矜詫注聖既莫從掩袂效喑啞

贈汪生

投簪事却掃衡門無襍賓衝檐烏雀噪魁梧見斯人遺我以明珠神光絢嶙峋風雅久不作雄辭逞斷、愛君春雲姿回旋轉空輪飛英不受采積潤凝青蘋老我意苦短念此情彌親疇昔侍金鑿挽士志莫申薦禰固百一視君鮮儔倫先聖六籍功願言善彌綸辱贈莫能報清風響蒼筠

感興

明月不受采澄波偶成文壤、玄黃中至理孰與分南
山有琪樹蒙彼山上雲層陰閱朱光積潤養奇芬深林
葆真素芳妍澹無聞昨來京國遊緇塵日芸、永念丘
壑趣攬衣意如焚

題王眉叟溪月圖

水清不受觸月高不受浴空景兩相忘松風進虛谷之
人閱真靜引手還在目服之飛上天溪流淨如玉

書孝子卷

道旁拾枯松汲水作糜粥堂前八十母啜粥端勝肉人
言五鼎養形渥乃有辱擊鮮豈無具彼網不敢觸乃翁

三尺墳蔭烏為之築亭、忘憂花甘露手可掬花開醉
春風百歲初轉轂之士歡有餘之人何不足

夜泊城北有懷孫秦二學士

英、二學士黼黻元祐初功名軋奸黨翰墨尊寰區維
昔淮南邦風流鶯清都至今舊文采老蚌遺神珠百年
俎豆廢荒城屹秋蕪黑首摠論武故老時言儒白雲去
已久來往今何如蒼、灌木陰曾聞駐瓊裾艱難視天
運俛首猶唐虞稻米竭秋歛菱芡餘歲儲白鷗眇天末
蘆葦寒蕭疎懷賢願有在佇立情躊躇

淮口阻雨二首

曉雨壓風力我帆同款段帖々蓬底眠晝日慘易短獨
行既無儔欲去不得返冥濛水雲重跡歷榆柳斷淮流
既東馳我行安可緩縈迂沂三又始覺人語亂艱難意
如斯寒鴉佇江岸

小雨不作潮餘清在春樹冥鴻歸興深振翼羨無度淒
涼舊如此荏苒已增嫵茫々昔荆榛桑柘青幾許淮水
去不休歲閱今與古風雲合浩蕩我輩勞步武人言上
水地沙流半焦土行役倘自然春雲起飛靈

詠史四首

青々虞美人欲舞不解前漫々劉寄奴醫國真茫然風

迴下相里寒沙起蒼烟徘徊古彭城亦復多流泉二者
骨已朽胡為事春妍人生要垂芳豈託小草傳丈夫與
女子籍々同悲憐

寰宇設天險圖書已周知鴻溝定疆理屈意陳卑辭永
觀沛公豪豈無懷土思羣雄亦鄉黨輕家乃相隨時來
各忍性不復兒女悲它年過沛宮父老垂涕洟井邑圖
新豐雞犬猶前時論功食湯沐故里俱無遺成敗論昔
人興懷重嗟咨

留侯晚辟穀端有避禍意遠招商山翁不復為漢計平
生老鋒鏑帷幄乃真智南宮論非諛意冷終有忌雍容

視國本孱子匪神器此生端可惜欲言且深慮代王豈
不佳語出禍立至羽翼從汝成增繳幸我避百年願已
足投老空立異不見吹簫民功成終械繫

人言漢淮陰晚歲何卑陬英賢多混跡豈復論思讎泊
舟楚山川緬懷意悠悠責人斯無難此意猶前修近世
輕薄况流落曾相投飢來或乞食寒至將索裘一朝青
雲上泯默懷深羞高視絕奮好削跡同避仇當年睚眦
意談笑能相酬韓生固瑣瑣終勝青雲流斯人我非慕
微言傲羣媮

次韵仲章初夏即事

吏隱習疎曠晨起遺世情積柳含綠潤幽葵表朱明誰
云地氣高炎暑從茲生新潦變敲辱飛塵增壻益養疴
尋丈內跬步不復行雲浮晚色盡平湖起秋聲炎涼在
頃刻變化何縱橫繕性今天和愧彼塵網嬰有懷金石
交飛盖何由傾

城南亭

平生泉石意勝處時相閑侶聞城南亭層陰絕塵闕初
夏結清讌尊竿連珮環涼襟納虛白妙顏尊渥丹高歌
互激越白日虛且閒志遠不願足後會期躋攀晴霞澹
天末迴首疑仙寰

請范德機東坊稟

范子東坊居深巷蔽樛木架上一帙書墻東數叢菊明月照西山清夜勤盥沐學為孤鳳吟非絲亦非竹陰陽合萬籟逸響振林谷水花不受唾天衣那有觸玉署青裳枝三嗅羞獨宿滄洲有真趣從此謝榮辱

武當張道士京師禱雨回山中

古有巖居子抱朴尸玄冥被髮空洞遊蒼莽窮帝青手持九文蜿蜒合揚靈維斗司其紐習坎鞭流霆良疇已懷新燥露滋明星滌原楚澌迴風轉虛腥無譁夜下令瞬息不得停茲人秘元化長跪耳嘿聆崑崙扶演

漢紫霧噓青萍玄鶴滄以淒百谷奔零浮侈不足慕趨使歸巖扃天地古橐籥鍊一清且庭詭幻歲已暮願言養脩齡

觀梅分韻得影字

月窟迴初陽瑰室習真靜深居碧雲合澄觀白日永南枝歷烟霧北堂辭嶠嶺蟠柯翠交加踈萼玉秀整三鬣襟織繒一漱芙蓉井洛鳴採其光寒蜂妬其影將養憂過分泯默蒺深省天空流蟾墮露冷玄鶴警歌罷誰與言觴至不復逞

送陳仲剛歸番易

浩蕩南客心崢嶸西山雲憶昔登王畿縑緗集同文執
簡玉署側藻思抽奇芬明世合儒彥詎有楚越分群姝
嫉蛾眉念至肝膽焚番江匯新田甘雨催初耘不念別
者苦孤翮誰為羣重柳積翠霧酒盡不得醮扁舟鼓新
棹晴川淨芸

送薛玄卿歸吳予時有上京之行

飄飄江海遊渺關河後燕鴻有相避客子無定跡南
山火雲高北山雪新白想此六月時相顧各動色堠傍
青松樹上有雙鷓翼愛君慎舟楫戒我專寢食擾行
路難風花亂如棘

有感

皎皎白面生長缺學短長箕坐激楚聲大言響高堂有
客將止之反脣臂欲攘客退不敢言彼怒庸何傷盈
百花露擬作終歲糧露晞百花墮掩袂翻徬徨

董道士雷泉齋

淵淵養空洞摩盪升天行翻車震崑崙旋空紫金明下
有五采雲散絲隕珠英以彼一寸光八表須臾成逆順
有正性變合無流形火以明益枯水以堅始凝無為合
冲澹神化凌上清

三月十二日自

殿廬歸舍梨花盛開薄暮與

陳汝海花下小飲

兩人一百歲共飲三十杯
雙花夾蒼檜天桃倚晴臺
白團燕山雪紅注天台
醅振鷺擬高下遊蜂謝徘徊
昂首冠接羅捧心舞綉
翅殘日凝餘霞迴風起
輕雷不念影寐々但惜
光暄々珠衣點綴滅粟
尺彌縫裁團々救奩
巧宛轉寒紋迴香深妬
紫檀色靚羞蒼苔幸茲
艷陽盛不以塵土摧凡
卉工後先孤根靜栽培
翫芳悟觀象擷英審掄
材較轆青紫場籟籍錦
繡堆高羞折腰柳逸亞
橫枝梅慙懃識花意浩
蕩為我開殿廬龍光動
瑣窻駒影催相迎復相
恨欲去還相陪停雲儼
若思落月寒如

仄當歌願秉燭渴吻驚耻鼻

送祝丹陽使武當山

夙昔山水郡浮身宅冰霜
迴首楚望深乘車升武當
上有天一池夾日紅熒煌
玄雲起丹甲群螭恣騰驤
攀崖靈壽杖坐石芙蓉牀
琳琅徹迴鸞儼立承天香
麻衣采芝叟百歲鬚眉蒼
授子以易知永視元運長
摩挲古金人鞦韆日月光
中臺古嶺岸天風振層岡
揮手謝來者下土何遑々

贈陳文翁求篆扁

往聖扶天巧虫魚構瑰竒
辛勤汗簡功淪落誰傳茲
昂

昂子陳子掇拾靡棄遺清齋淨無塵素壁懸秦碑侶欲
卧其下畫腹鬼神悲氣酣落長牋屈曲生妍姿斷嶂立
冰箸迴波捲葦絲百幻頃刻成長鋒勁如錐解衣坐晴
窓青眸光陸離客喧意自寂手敏心相違遠憐李氏子
自謂一代師蒼徨大夫門筆冷情依、得非金注昏竟
墮豪俠欺我家竹石居甕牖迎春曦煩君作佳扁朝夕
舒頑疲夜月走魑魅晴雲鬱蛟螭高張駭衆客傳觀恐
羣兒能事敢強迫妙處通天機會須風日清醉墨傾淋
漓

送李平叔之信陽

維昔文昌公幽蘭闕孤芳高秋振餘清百卉爭斂藏颯
爽眉髮古義冠坐鄴庠歌詩闡溫柔宮商起虛堂絢爛
五色雲縹緲鳴鸞凰至今老諸生猶能記鏗鏘乘風侍
金華蹇諤懷剛腸諫疏納帝榻百壬斂妖芒年運既莫
從精爽回雲鄉空餘子雲宅澗水猶湯、永思古遺直
江湖眇相望竭來芙蓉峯喬木鬱以蒼蕤然孫枝秀妙
譽叅珪璋投牒山水州清溪趁輕舲羣公列贈語握手
揮離觴我生識面晚懷賢意何長慨茲衣冠冑簾葭墮
飛霜文衢泣零落寸心實傍徨斯文倘未墜龍虎回天
章願言紹正學青雲縱翺翔

贈徐中丞二首

南海有玄鶴孤唳雲稜層天池不肯下厭此魚鼈腥露
冷懷長飢慘澹舒寒翎空巖蔽喬松鬱太古青喬松
意何悄陰籟驅羣靈下有散髮翁嘿誦離騷經妙顏粲
瓊芝孰視眸晶熒鏗然拔長劍神光簇新斲倏忽去已
遠玄鶴空晚晚為言來何遲迴風起前嶽
鳧氏哀吉金紅爐範黃鐘成飾雕簾岌案蟠虬龍大
鳴淳以希小鳴和且冲高懸饗羣帝祥雲布青紅群帝
難強留一去三千秋張筵設尊竿庸錫南諸侯一擊黃
鵠來再擊飛雲叔傍徨不敢聽亟以還中州師曠世本

有尤高悵誰謀終然侍帝所天地歎同流

拙訥齋

樗櫟老薪煥鴈以不鳴烹受形既非材卒莫全其生在
昔有至人觀化通百靈至言貫圖象妙思窺璣衡乃為
萬物宗熙遂生成髡彼青牛君深根護靈局永晒鄉
原子木偶欺聾盲設喻深止之跬步增慎兢世路日榛
棘韜精事沈冥滄江渺何許願言濯吾纓

送鄴陽劉縣令之官宣寧二首

鬼馬邑州火山蒸鬱陶霜勁角弓直草淨蒼鷹條平
沙細成塵迴風湧銀濤想彼強盛時馳突聲嗷嘈烽烟

徹雲表低昂望前旄樓煩古喉襟燕秦據其尻八月秋
氣肅千家釀蒲萄

帝京布文教列邑施官曹井屋魚鱗齊木黍黃雲高幡
然土俗變帖首羞雄豪出宰試敏手良庖靡更刀善政
奮謀傳據案除民饕村、烟火通長途罷建橐雞鳴流
水遠鴈過平陂翺餘情樂觴詠臨風謝喧囂

題文與可風雨墨竹

妙筆抉天巧黑雲參差高偃疑受雨深俊欵凌風翺颯
爽隨卷舒清涼散塵囂湛、不受暑靈籟虛窻號緬懷
文湖州玉雪人中豪想此旁礴時葆光解天弢老僧道

機熟形影隨日逝持以浚贈之生意窮秋毫高齋夜氣
寐定回起層濤

荅李生裕尚書大司
孫

英、金華伯皓首人中龍橫經古鄆水歌詩傲羣蒙舊
鄉里教授歌風為正色侍邇英微言動宸聰一疏不合意

孤身轉秋鴻俯仰乾坤旋舊聞眇遺蹤坐令詩書宅寒
雲翳孤桐維昔秉文度月印五采虹知我夙昔侶贈言
啓春容清朝集文儒直筆書清忠作史聖有訓狐裘覲
蒙茸挽士貴無方正色誰為宗虛舟萬斛積遇順凌剛
風明時詎淹留勗德會有逢

題巨然楓林雅集圖

楓林集虛秋灝氣轉寥廓坡危草織々水露石鑿々四
子何方來黃塵滿芒屨據流濯其清班荆坐盤礴山童
注新泉支鼎拾薪籜方囊濟膳具一一隨取索想彼談
笑時天弢脫塵縛上追巢許高下陋山王薄淒涼金谷
宴腥羶甕雞樂又疑東山游粉鈿汗花萼老僧習止觀
雅趣隨筆落振衣從之游素壁儼酬酢

避塵軒

飄風捲飛蓬咫尺隔烟霧馳車與急騎憧々走當路各
云有所之瞬息不得語山陽荷篠翁守舍視日暮酌彼

澗下泉膏沐美無度寒光映玉頰浩論巖中趣永謝征
途人看雲養真素

次韵伯生榆林中秋

榆林月中來今月向此出天低鳥翼滅埜淨田事畢驛
馬西北鳴候吏語喧啾我行起視夜炯若積雪白昂頭
望玄宮耿々駐營室坐令八方澄不使萬景沒徘徊清
影孤躑躅悵後戩

送鄭景尹還里

蟬冤生詩書世胄乃鄙夷沈々喬木宅風烟暗茅茨此
理固莫詰或言有盛衰堂々魏王勲談笑帝者師風雲

締嘉會青史傳忠規諸孫靜且秀振鷺游天池鄉社三十年永謝紈綺姿興至來上國窺探扶幽奇聞與見見柳下揚鞭辭前聖六籍功尊聞審羣疑江源蕝甕口濫觴渺無涯願持一寸膠黃流化晴漪天風捲秋濤舟楫慎所持時至諒有得衡門詎棲遲

李楚齋別墅圖

別墅依平陂翳桑麻陰田翁理農具晴雲起遙岑于時春事初佳樹嚶音鳴禽先生朝出遊呼童佩瑤琴仲也行比肩亦也聲相尋興至或坐石臨流散虛襟有客携酒壺勸我手自斟共言羲皇時古風藹淳深巍居仁

里盛德世所欽三鳳在高岡叅飛起清音恂化卑讓歲往猶傳今披圖儼見之慰我夙昔心

子昂人馬圖

飄騰天山霧盪摩玉京雲耿々萬里姿矯首空其羣迺翁愛神俊泚筆五采分翁歸侍帝旰乘化觀芸々彼亦與之俱追風超九垓時松雪翁已下世一年

題墨蘭圖

秉乘芳空林中介石交不黷飛英散玄佩受露以膏沐羣妖春炫晝墨宇益慎獨豈不念歲晏自獻傷我足矯々金石交挽之不盈掬疏清湛虛心振直耿繫腹昊天有

正合俯仰萬物肅臨風獨躊躇白駒儼空谷

次韵瑾子過梁山灤三十韵

大野豬東原狂瀾陋左里交流千尋峯會合百谷水量
深恣包藏神靜莫比擬碧澗渺無津綠樹失其渙揚帆
鳥東西擊楫鷗沒起長橋篙師歌短渡販客止天平雲
覆幕灣迴路成砥鷹坊嚴聚屯漁舍映渚汜柳絲翠如
織荇帶組交蕤出日浮鉦金明霞紆綬紫一軟澆腸迴
三類慰顛泚高梳列魚貫遠吹生鳳翥前奔何無休後
進復不已遠如林鳥旋疾若坂馬駛飄、愧陳人歷、
見遺趾流移散空洲崛強尋故壘波清鳧聚陣日落魚

會市土屋危可緣草广突如峙蓮根漲新圩蒲芽護荒
坻水花碧團、雲葉白迤、澹修出飛泉闌闌搜故址
緬思重華帝允屬夏后氏彝倫著箕疇偉功傳遷史目
力渺無窮行跡端可紀前村捋柔桑沃壤接良耜餘芳
錦堆爛宿麥翠圍後乃知東魯儒終作中朝士養源匪
澆養包荒納遐邇驅馳屢經過感歎復慰喜南還幸遂
願永雪洗耳耻

憶昔三首

憶昔白雲阡有松如車輪初日炫五采湛、珠露勻是
時十四五恍不知其因有客笑指之慈蔭在汝身猛志

親六籍百川渺無津懷刺慎所從一、先朝臣文昌古
遺直談經鬱紛綸授以漆簡書經緯通天人碧波掣鯨
魚瑞錦翻麒麟昌歎世所鄙食之乃奇珍廁身金鑿中
龜俛二十春懼貽先師羞執筆常逡巡即今已六十誓
墓廬松筠厚德靡有報淚與寒泉淪

外家甘盤宅門閤誠焯焯高懸金碧榜中有衮繡堂珠
璣左右侍絲竹儼成行幼不識慈顏到彼心徬徨每歲
兩過之嚴訓具有方膏粱病居養久爾生惰荒七歲誦
詩書十齡學詞章駸尋志學歲折節師老蒼紀事法班
馬冥心契羲黃謬與時彥交寶書閱琳琅今茲乞南歸

往事增慨慷興懷陶與蘇秉筆追耿光凱風有遺思願
言繼餘芳

寮、帝王州我翁佐其治有亭名朝陽青溪清且駛旁
有籌邊閣羣公集裾翠翹、萬芰荷雨過爭旖旎飛觴
羽書來翕霍江上燧戩冠極游談戎弁生縱恣予時侍
其旁側耳聽論議翁言不見取投劾乃謝事坐令百萬
家解甲豎降幟徘徊夕陽亭晉宋政相侶

重巖圖

為劉明叟
乃翁作

夙昔慕清隱振衣躡層巒飛鳥出天末白雲生樹端稍
覺所歷險撫松獨盤桓緬彼巖中人塵世靡有干飢食

千歲芝朱顏炯團、一日不見之披圖儼清歡崩崖胃
枯藤迴流起危湍微茫暝色共凌亂生綃寒心期果冥
會願言力加餐

王叔載以江梅有佳實託根桃李場為韻見貽
因次其韻

百川既東流震澤成三江學海詎有窮沂源探敦厖緬
彼學古人善問如鐘撞簞瓢豈在樂摠衣願為邦
六籍會有厄禍由漢晉開支離起田孟誣偽興姚梅綿
蕞匪正禮區、存曲臺吟咏既莫分褒貶以為才
我、神京秀轍跡貫九有奉璋弁如雲執轡沃在手欲窮

羲黃心編簡滅科斗研摩詎無念急景謝衰朽

風雨乖素期山雞鳴喈、豈不念夙昔愛此日夕佳平

明視青天羲輪御中街榮悴會有時願言壯其懷

高門深寧翁晚歲悲絕筆愛彼樸樾才化為椶楠質春

花五采妍秋至詎俱實遺文稗東楹賤子願叙述

昔聞中書垣上有紫薇閣微言續九丘妙義追八索嶽

岑大厦傾作記金鑿託深悲在廣招寮、鈞天樂

少小不自持曲學尊燕繁舉觴一醕之為言護深根先

天有至理能使月窟温談笑襲師訓詎知雪齊門

斥鷃不能飛欲作擔榆高何如阿閣鳳守真始風翺志

士惜短日碩人養也膏肓脂始薦鬻食黍乃雪桃
昔年委閤卷初不願祿仕紬書探異同擬作前國史念
至事益非委命以修已勿為衆所訕不知道旁李
君才如江梅不入桃李場徬徨念先猷貫鵠始挽強後
生捕形影爭言早升堂唯餘白髮士耿々無它腸
董生噩上人以叔載韻見貽再次韻

閔河一轍跡耿々明天江五方各異俗中州誠駿厖吾
欵上帝閤帝閤不敢撞終然返初服養佚歸海邦
遠宦三十年石田今始開觀象慕易京登真想仙梅夙
昔希匹石歲晚成輿臺志念詎不深樸檉慙非才

弱冠慕靜居掩息空萬有老禪深愛之微笑示以手忍
欲如忍事吸醯過三斗終然寒松勁不作朝菌朽
鞞帽成戚施逆耳風其嗜昂然望南山愛彼日夕佳朝
來何所見萬馬盈天街所以巢居子終然養澄懷
辛勤下帷生涌思不停筆範鑪鎔吉金變化銷其質湛
浚陋雕虫多聞藪萍實袖手毋自藏盛世富紀述
噩師禪林秀宛在諸天閣當其調護時危石繫朽索作
賦極剪裁衆物各有託盍々荆山玉洋々咸池樂
玄圃有琪樹不使枝葉繁辟彼績學人芟蕪養天根歲
暮霜雪至銅柯生晏溫一為梁棟才落々懸金門

吾師深寧翁屹々泰華高佳哢時一游不使凡羽翺方
壺貯神藥變為五色膏服之生羽翰陋彼東方桃
稟性非好遊亦不願祿仕感彼獲麟翁歷聘刪魯史正
緒願有傳固陋敢私己年衰絕聞見謝彼井上李
少壯勿自摧振容上詞場鵜膏淬寒鋒談笑摩堅強藉
以襍織羅貯以白玉堂辱贈莫知報因之結中腸

芳思亭

大父尚書公治圃南郊有堂亭凡十五方池脩廊屈
折便且雨甚亦無礙游事逮今荒廢踰四十年故基
陳跡不復可考近築一亭襍植花木廣不踰畝髣其

萬一名之曰芳思玩其英華將以紬繹志興翰墨有
紹是則先公之志作詩示瓘瑾併求親友同賦

侃々尚書公投紱理泉石五堂遶寒暑十亭送昕夕瓊
英玄圃秀美蔭嘉樹碧修廊不受雨來往隨履寫紅雲
漲方塘丹霞耀翠席嘉魚黃金掌瞥見眇莫測辛勤三
十年深逝晦朝蹟遺訓示子孫樹藝比其德浮雲變須
臾百幻倏消蝕空餘鄭公莊耕稼給衣食緬彼行樂時
衆植各有職以茲一畝園髣像見疇昔幽葩與羣卉生
意自不息朝陽漱靈根三咽妙紬繹曠懷事幽賞逝矣

次韵袁季重惠苦筍楊梅二首

食苦不願餘甘回乃稱美空巖養滋味老叟清晨起斷
之玉箸圓拾以付稚子駢頭萃豪門咀吞訝金矢維時
朱明中盛德協清徵脩然在陰翳儼與松柏峙玉液生
華池可廢杜康祀含章守元吉黃中本通理繫腹表正
性要以除穢滓初如橄欖食不作即且棄世方尚腥羶
易牙正專味愧我清齋客足音跼然侶

空巖迸瓊珠蕭蕭白雲中恍疑羣仙立欲脫煙霧叢招
提者誰王日出撞金鐘笙簧激清濁旌蓋搖青紅遂令彼
林谷徵索恨靡窮侍臣久歸田不數蔗椀功傾筐遠相

致齒類生水風昂々長松蓋下有萬馬客同源匪異本
斯文永為宗

清容居士集卷第六

古詩 七言

題高彥敬桑落洲望廬山圖

為秋泉作

長江亭々桑落洲一塔獨傲嶺花秋邊聲已逐鞞鼓盡
 水氣欲挾漁柳浮謫仙騎鯨五柳老真景變滅隨沙鷗
 空餘秦箏與羌管斷續不洗琵琶愁玉堂小牕解蒼佩
 宴坐得意毫端収空青點雲碧痕濕方諸取月寒光流
 匡廬老人在何許侶覺領首相遲留佳峯稜々鐵鈎鎖
 寸樹點々銅浮漚要知翰墨灑清氣俗子政爾勞雕鏤
 秋泉山人息機事青眼不與王公酬高張素壁凜太古

擬跨獨鶴還磯頭人坐江湖在適意底用絕俗埋林丘
披圖覽古重歎息天際杳靄疑歸舟

秋泉德生仲章梅外章周儀之皆次余韵題廬

山圖再次韻以謝

海郡列戍連沙洲榆柳挿戟搖清秋擬從京国洗氛瘴
黃塵復作烟花浮西山紫翠不可望但訝積雪如明鷗
爰君寒齋之畫幅瀟灑不寫人間愁曾中丘壑我豈少
奈此磊嵬難為收宣城詩法挺二妙烟若玉瓚盛黃流
永興天機爰神俊碧眼一顧羣無留千年周子古風月
哀、亦散空中漚乾坤無言混沌鑿頗恠我輩勞鐫搜

沉冥天台老仙伯清坐自與廬山酬天青無人月色古
縹緲五老疑駢頭功名營身旋蟻磨芻豢得意崇糟丘
何當相從老其下釀酒一醉黃金舟

張彥清以復古硯贈友人目賦長句

高皇南游倦鋒鏑宴坐清都賓出日膏中筆陣掃玄雲
時與端溪評甲乙平生紫玉無纖塵小窻寄傲茶甌春
馬肝生寒出古色鴿眼獻秀憎妖顰烏號已去寧復得
繭紙昭陵空悵憶猶餘舊賜落人間漆字糝糊記朱色
集賢學士胸次高爰此靜閱濡霜毫乃知貪夫罪懷璧
底用長物為神勞清齋持杯好顏色楚人之弓楚人得

平生弟兄今始知一笑相看竟何惜蕭齋老人筆如錐
松花蕩漾搖轉漪江南採菱曲已遠願寫紫府虛皇詞

金華曹道士白雲樓

蘇仙念母、苦飢化作白鶴時來飛我聞紫虛亦官府
朝夕往返勞天機何如金華有真隱築室空翠搖烟霏
松花麩蜜五鼎養丹砂汲井千年肥我生不識萱草惟
孤身永日懷春暉白雲在天詎可望遲子歲晏山中歸

賦廣帥平寇還

蒼梧之山利如戟五溪南行水如墨文身鏤面號為人
戲口磨牙時割賊將軍手提丈二及匹馬直入深林居

摩挲銅柱寫殊績南人自此長為奴檳榔快嚼端禦瘴
蕙苾不將真避謗繡袍初賜簇金鵬聚米為圖指豪壯
萬里功名非偶然輕身許國誰為憐莫嫌儒冠守青簡
能淬筆鋒書定遠

謝王叅議送練春紅二枝

玉堂老仙玩幽獨閉戶無人侶初溽倚闌岸幘領孤芳
菼、輕紅冠羣綠化工有意卑凡卉積李崇桃空眩目
爭先鬪巧等堪憐已向東風盡驅逐此花清妍淨如洗
收拾餘春傲榮辱何郎湯餅徒試妝太真溫泉空賜浴
天然生色鑄真態亭午低頭睡初足誰言花后最奇絕

我怪酪奴能汗觸嫣然一笑奉清懽莫把金尊歌別鵠
并刀妙剪駢頭來珠露淋漓袖新感似嫌凡子多京塵
却恨高人付流俗微風澹蕩新雨生強拭愁容吐殘馥
擬將色筆寫清意綺語非工那忍讀徘徊中庭月過半
翠袖娟娟泣寒玉

題董簡卿瀟湘圖

瀟湘之水太古色烟樹空濛成寸碧奔騰日月轉銀丸
噴薄峰巒凝鐵石楚棹相將客獨聞楚歌歎乃人誰識
望盡蒼梧不見雲千古靈均空悵憶

絡馬圖

秋原苜蓿肥雲屯帖：此馬和且馴屬車效駕豈在力
愧汗絕足追奔塵良哀不生造父往公子毫端意悽愴
虞淵逐日終飲河出門加鞭奈爾何

康樂園

長安韓德鄉夜夢至一宮室
扁曰康樂園曰名其堂以奉母

至人無夢、乃真瞪目一視空中塵悲歡蟻旋水東注
遺珠罔象迷其津持麈嗽曰逞詼詭取禾坐極夸榮貴
不如長安韓生道上眠念母還家枕中記紫霞之宮那
俗書烟霏霧結開雲圖虛靈變化在頃刻齧指疾應維
心符城上烏啼畢浦尾倚門獨占乾鵲喜萬里辭親真
可憐書來端有平安字

贈杜秀才歸省荆南

臨江種橘、易朽滿籬積金、作奴何如遣兒束書帙
婀娜初服遊鴻都從師之樂端解語暫作庭前綵衣舞
會待明年春水生雙槳如龍上天去

贈拙訥子

萬言不啻一杯水刻楮徒費三年功何如冥坐寐真靜
木末時數南飛鴻長安之衢塵霧、願言飲垢如飲蜜
鸚武作賦真有才至今江浪猶銜哀

寄南劍李士弘使君

水雲離、千疊峰海日如鏡行天紅使君新沐坐清樾

筆底丘壑生陰風玉蘭之花不受觸日給飛泉三百斛
高春打衙人不來鶴立蒼苔動新綠

送任道士歸武夷

武夷之峯高挿旻浴日離海朝為賓石牀芙蓉迸膏露
乳竇醴淥凝長春陰崖怪壁鳥跡絕葛藟當戶苔鱗、
神君枯魚古籩豆曾孫毛竹今霜筠千年金骨幻凡目
玉篋九鑠光如新想當精思握宇宙魄質已化能成身
我聞帝居亦官府風馬決瀉空中輪愛君釣鼇辟東海
笑踏北雪鬚眉銀寥々空山太古水清夢入髓時相親
誰言五色亂吾目得意忘象那非真歸來玄鶴忽不見

勸汝速沆征衣塵

送郭天錫還京口

朔風吹塵着馳裘，凝絮玄霜浮城南。泥深擁車輶，
矮屋夜卧鄉心稠。暮春雪消花始放，積柳婀娜沙中洲。
布帆在手不易舉，目數過翼隨雲流。人言擔簦古奇遇，
邂逅一見能封侯。紛綸寸舌有榮辱，智士縮叻成身謀。
愛君亭日中鵠玉色，已變扶桑游紫芝。為糧露為醕，
北適瀚海觀羣漚。素書滿囊不干世，磊落肝膽看吳鉤。
新編剪雲彩，鸞舞妙筆入木寒。藤抽氣酣登臺望，陳跡
忼慨直欲微言酬。舊家鐵甕古城下，春浪涵湧今悠悠。

但當清談且飲酒，往事寂歷遺磯頭。黃鸝空桑子規怨，
椽實已盡榆根留。長河滔天怒蛟走，底用華表歸來愁。
江湖清歡眇去袂，風雨疾意催行舟。人生會合定有樂，
念此別意空綢繆。

燕吳閑、冰雪相看

豪門炙熱，如暑下馬還家。汗流雨徒將，嘖笑作清涼。
萬事回頭，搃塵土。那知道人玩立壑，一榻高寒，聞柳、
碧雲散作明窓塵。妙墨還為小山霧，平生冷語出胸臆。
頗恠梅花猶媚，媼崢嶸。歲晏凜令夕，商榷斯文共樽俎。
要知冰雪本奇絕，正色森寒傳太古。我聞崑崙有至理

陰火玉泉誰解煮會須鐵石起風雷手扶玄闕破凝滷
人間寒暑潮去來物外陰陽月吞吐閉門客散真兩忘
竹影離、滿前戶

灤陽張節婦瓶中杏枝看花因賦

陶人妙合陰陽機凍壺頃刻回芳菲盈、綠房綴冰蕊
玉蝶婀娜穿帷飛佳人蓬髻不下堂手繡孤鳳橫匡牀
寶刀剪繒試春色翠袖慘澹顏無光烏頭可白珠九曲
造物深知憐不足故應試此一枝春點綴扶疎驚衆目
君不聞天上瓢髯龍平陸成波濤又不聞壁間壺兩曜
瞬息如跳珠齊諧茫昧不可詰炯目看朱動成碧張氏

之壺如截肪真火煉質千年剛枯根借潤表貞志慎勿
語怪歸荒唐

仲章與余連舟而行仲章指畫皆不在人後夜
泊甲馬營予舟適先至仲章有詩曰以奉戲

我船如縮鼈瘦僕凌兢空挽曳掩篷熟睡初不知晚白
沙頭踏新月君船如生駒追風破浪爭騶呼青春擢郎
紅蔽膝搖唇戲口歌吳歛昨宵甲馬營前宿大似天公
憐不足回帆望君、不鷹出沒高桅轉河曲人生作計
那可既誰能盡已不盡智積薪居上東方愁相位還須
跛男子憶昨都門經歲除風吹乾雪塵糝糊閉門擁被

謝不出時人背笑何其疎只今船行一千里萬事乘除
總如此愛君玉雪雲中英我歌作勞君且聽

蒲城孫世英編脩父年九十四號嘉遜翁院長
而次各賦詩

蒲城之下嘉遜翁銀髮髯耳雙碧瞳少年流離老康樂
布領踏醉歌春風春風畏人屢歸去阿翁扶春、始住
穿花入市爭捧盃采藥還家共携路諸孫青襦誦魯論
寒燈夜授鄰壁聞泥深翻疑犢車險雪釋自訝駝裘溫
憶昔種松如指長俯仰鐵榦參雲蒼桑田變滅理固有
底用化鶴來還鄉只今公年九十四萬事如雲日嬉戲

迴首塵中輕薄兒奔走流年竟何事

嶽麓圖

積石落、雲中礮冠以蒼松藉瑤草天柱脩緘立晴昊
絳霄雲璫誰擊考揚許之君顏色好永綃為裳車羽葆
永愍垢濁增扎天湘波層瀾勢灑漉珠浮玉蘄洲島
一洗氛瘴蘇衆槁爰築廡廡俾終老出門倚天心悼恍
玄穎浮花落縑編無跡空飛詫神媪肘後藏之五色縑
念君別去塵浩、歸來歸來守其寶

送何太虛歸山中

飄、兩屐山中雲青眼不受京塵昏意行扁舟本愛雪

獨去五柳猶當門人言江湖在遲暮立談雙壁非謬誤
相逢挽君、不迴落日蒼茫蹇驢路

同子唯賦水車

挈瓶之智誠有餘抱甕之勞亦良苦何人嘗巧挾天機
河伯逡巡魚鼈舞昂、長身卧膝岸捲地翻濤敵驕暑
誰云龍骨化梅梁未信魚身作橋柱縈紆香輪過流水
突兀雲梯卷清雨橫陳歌板促紛紛倒流谷簾聲齟齬
東家饁嬾顏色惡步、生蓮空媚媼陽烏流燥汗成漿
平陸須臾涌銀乳推移燥濕意本同竊奪陰陽天所怒
人言無踵能自至跬步周旋路脩阻不辭滿眼看黃雲

歲晚論功付梁杞君不見田舍翁年、苦辛與我同天
寒破褐厭糠覈仰視屋壁知誰窮

次韵夏明道紅梅

江南徐生圖沒骨筆庶妖妍等塵物此花絕俗避春風
東望扶桑入瑰室閭風羣仙笑清寡故遣瓊英侍巾拂
龍肝麟脯厭腥臊以斗為杯飲真一嫣然乘醉下塵寰
欲向晴空舞紅雪崇桃積李行飛翻固此貞容莫旌別
效顰不語空捧心美好何由在救抹懸知正色衆所忌
况此纖穠逐時節憶昨歲暮天號寒炯、霓裳傲冰月
誰言凍吻不敢吐妙思端須續神筆飢腸雷吼空九迴

勁氣雲摩難百折人間好語詎有盡三嗅清香應倒絕

雪汚齋

邢醫取靈樞雪者
之語為號

有客飲垢如飲墨三尺之泥及馬腹平明對鏡鮮衣裳
意氣摩雲飛食肉清虛不來空慨慷願君勿走治其狂
明憲紫塵在吾鼎淨洗絲、冰炭腸

次韵間、甲子雪

絳霄仙人雲作席宴坐玄關已知白萬妃婀娜布青陽
淨掃嚴凝驅伍陌飛雲散作平地舞剪綵寧為奮時色
西峯秀筆眇何許侶換當年銅綠格洛陽之人凍吻縮
詩句那敢隨刻燭大鈞有意迴昭蘇至寶無華匪暗澤

乾坤偉觀雙眼明高卧元龍須百尺

贈錢唐吳月湖

棄右班
學黃冠

君不見後湖仙一官掉首餐神丹月明江上杳然去惟
見玉珮雲珊珊、又不見姚將軍夜騎黑驃趨劍門飢來

青城采芝食童顏逸足追奔雲人生富貴那可必偷竊
陰陽亦奇崛陰符自與素書通赤松來歸乃真逸西湖
明月不可釣呼吸湖光月隨照要知心與月同明暫假
孤光敵清皎憶昔黃霧衝八蠻髀肉消盡口吻乾萬里
生還真幸爾十年老去猶凄然即今落魄隨塵緣丹霞
玉樹壺中天何年輕舉化飛鶴歸視城郭同蒼烟

送趙君佐茶使

淮南食茗如食粥清曉烹烟出茅屋生來不識太官羊
翁媪相看夸不足連網貢餘知幾春排檣接纜來儀真
莫言此物常苦飢船中估客肉常肥

黃臨汝以長白索筆次韻

寸錐飲墨工傳書千載妙蹟遺官奴寶跗綠沉不易致
葫蘆荆管那能無古來志士心獨苦採荻夜畫灰成圖
書寫歲月要有限作計何必輸人鬚中山邨君被羈束
論功且復歸韓盧柳家鈎鎖本新樣內史筆勢難為徒
遂令陳生擅料事坐出妙語如擒俘邇來八法益疎陋

雞毛兔毳爭庭除姓名僅記政自可文采日泯終何如
湖陰丈人古仙伯舊嗜寶刻窺鴻都飄如晴雲彩鸞舞
勁若暖浪寒蓴舒丹碑翠碣已冠世所恨咋舌懷嘉謨
竭來掘筆弄天巧下視羅趙真之餘詩成醉墨作三絕
寒室眩晃生瓊瑤

題翠山嗣禪師禰花世界

寶田琪柯天上種一、五采相紛披深根清寧出樂國
幻境變滅卑仇池藍珠駢頭滴膏露萼綠擁翠攢新枝
陰陽轉旋燄天祕霜雪饕唐培靈基紫泥分封慶雲護
緹室應律溫風移初疑層臺闍仙下侶笑移谷愚公癡

側金布地素習結剪綵眩晝神光奇桂宮斫斧古莫徵
桃源展畫人猶疑高禪息機月窟坐微笑彈指靈山來
嵌空積鐵不受暑垂溜挂練能成漪巧翻新好喻室假
妙合頃刻窮施為溝塍衍平碁局布巖谷巉削丹泉滋
流鶯弄晴逞繚繞幽鳥觸影搖參差扶筇一觀定已駭
飛觥百罰知何辭眉毛猶存眼非眩意不落相寧無詞

贈劉醫

行禁架術

君不見東漢趙生試奇術禁架相傳人莫測桑皮為脯
水為醪耿々千年猶廟食事見後漢趙炳傳今台州土神是也又不見葛
稚川遠窮勾漏思得仙辛勤纂書集奇恠金創一映完

如前古來長生氣為寶踵息深々神不老肯將呼吸逐
凡庸辛苦徒令顏色槁羨君妙契合二士萬病相酬一
杯水參苓遠棄藥無功變幻須臾人共喜靈龜枯桑終
殞生鴈以不鳴曾見烹誰言靜嘿解自致奔走岐路方
喧爭我生守口今已瘖氣涌如山空苦心湯將寸穎寫
奇崛紛々過眼誰知音峻層瘦骨非食肉空洞無塵那
有俗金華玉瀝端可餐要俟它年梨棗熟

次韵段惟德右司

空齋病起槐幄深碧雲道士遙相臨問之不肯說姓字
笑指庭鶴知余心昔年種松在山北咫尺十載修篁侵

公當青春立霄漢我竟日久還山陰

子昂風林牧馬圖

駟馬不受人間齧春入川原草如髮老髯背面心已知
眼底玄黃搃凡骨相親柳下那作踈泯默此意今為圖
竹林之賢固奇士晚歲絕交真可吁

張氏女

七歲能
大書

皎々嬌女眉髮鮮筆墨為米書為田家貧畫地當縑楮
能使平陸生雲烟老蛟翻波注甘澍渴驥齧櫪追寒泉
躍如斫陣勢揮突快若舞劍光迴旋青燈阿翁夜授詩
誦聲出屋清且圓天然異質世外寶寸穎入手真如椽

流紅題詩愧飄蕩織錦作字空纏綿遠牀不憂翠袖薄
玉兔晃耀薛花鈿君不聞祝融之峯魏氏女空中落筆
垂瓊篇閉門養姑吳彩鸞一謫人世知何年道合變化
難具言宿習妙解寧非仙

送儀上人歸天台

三百六旬塵浩々萬八千丈雲飄々手提飛錫絕江去
獨飲古澗長生瓢乳彪呼風小兒語老鶴翫月仙人舞
空林桂落招不來永歇巖頭斷前路

題李廷弼歸安去思碑

人言歸安之水堪耘耔又言歸安之水宜繭絲移文夜

下鄉社集折竹作度魚鱗推阿翁裹飯立田所大兒應
官入城府篝燈夜算尖角羸百畝塗朱費千楮慈仁李
長官眼明不識催租癥溝塍如枰舊疆理故王之籍那
可毀刮毛龜背羞作腴掉頭據案難奉符

聖朝阜民極天際山積川量一稊米挂冠徒步歸即休
虛籍誇浮非我計弁山何噴岫茗溪何潺湲山君水神
各有職樂意禽魚兩相得君不聞古來吏弘羊烹劉晏
死飛蛾赴膏無有已歸安之碑立如玉父老摩挲路人
讀

題董高閒道士春龍行雨圖

清冷之淵玉為竇呼吸銀丸起晴晝昂頭躍空朝紫京
海若蒼黃河伯走積靈為氣翻帝車坐今日觀生糶糊
黃雲離覆下地神跡彷彿象今為圖

送錢唐萬戶還鎮

秋風八月錢唐潮三千組練平明駛吳王故宮草凝碧
一塔突兀凌昂霄將軍宣威立油幕手撚羽箭調青鷗
穿空盤旋彩雲墮藉草燔炙羞肝膂酒酣意氣擊玉斗
垂手逞舞花容嬌百年繁華等流水金谷翠樹隨塵消
平湖隄柳千萬縷時繫落日傳笙簫宴安後習卒未盡
癡兒騃女猶喧佻名王之孫古英武韜鈴夜誦聽寒刁

徒兵晝閱逐奔馬
舟師夜渡追輕舸
坐令長城鎮南服
鱸鯉落膽夷奸妖
煌煌輿圖久縶戰
紫燕九陌嘶風驕
胸中武庫貴商略
談笑橫槊真雄超
丹書之功在金匱
願趾世燉輝皇朝

嗣天師墨竹

玄雲空飛着無跡
濃澹晴谿護寒碧
碌碌玉石圓且奇
古澗固依養顏色
仙人紫宮朝未移
平安日報春熙熙
生綃陳情寫初意
為問白鶴來何遲

送趙簿正鄉歸養昨城

淵明投憤酒初熟
弘景挂冠丹始成
何如奉輿歸故里

夜聽慈竹平安聲
食蓮分甘舍雲冷
得魚入饌泉水清
門前槐柳綠陰直
會有雙鶴飛來迎

送保寧萬戶出鎮古關

鵲樹飄紅蜀帝飛
錦屏橫空十二眉
天狼夜沉北斗正
筆花列陣書成圍
拾遺奮題山鬼嘯
文石縱橫碧苔燒
將軍好文歌太平
桂酒謹迎梓潼廟

子昂寒篠枯槎圖

靈柯連卷排石角
海風吹秋折繁萼
亭々明玕左右從
呼吸玄雲起陰壑
猛思誓欲窺河源
從者亦返清泠淵
河源露重星差我
清泠之淵多蛟鼉
上天下天意沉惻

化作蒼龍張素壁玉堂之仙墨成治穎脫淋漓翻浩漶
鐵幹飛光明月流翠節參差飄窈窕昂身突兀太古春
崢嶸赤立驚絕人支頤觀象洞玄化芳朽成歲非吾真

澧州通濟橋

洞庭水簇波湯々老蛟挾舟恣低昂何人空中化樓閣
斲鼈為石虹為梁澧陽太守嘿無語朱墨塵深失修舉
萬里南來春未歸離家想爾曾題柱

近有善書僧曰溫妙明溫華亭人明眉山人也
余嘗識明於玉几山其年未四十溫老矣予識
于靈隱視其書之高下亦類夫年也閏十月有

僧携明書示余遂各為一章美之且記二子之
出處焉

老溫作書誰授訣少學潘郎繞城帖興來握筆弄春妍
霜々芳叢開闌飛蝶平生大字顏魯公晚復顛放少露鋒
論功古法雖未至瀟灑要是僧中雄醉裏蒲萄墨為骨
秋葉東西雲鬱勃裹繒急點數玄珠不識公卿是何物
只今書畫名已傳華亭鶴唳悲流年西方金仙在何天
寄聲為了塵中緣

蜀明貌癯肩聳山我與之語清且閒聞其作書誠險艱
自製美筆出袖間流落金題入清笈魚鑰無聲帳中閱

映水寒薄凝素波側石枯藤挂斜月西風玉几雲翻
黃衣渡江聽清猿逢人醉寫數十紙山僧示我相誇傳
歐陽父子病骨立誠懸繼之天為泣是優抵掌真偶然
妙解無言君合識

善之携酒招遊西湖值雷雨分韻得杯字

南山樹影糊輕煤北山雲花玉崔嵬絕憐我輩少姿媚
幻此異景窮竒瑰湖光山色兩愁絕更挾新雨除飛埃
千年龍公睡忽醒頃刻駕浪鞭春雷我生倦遊端有意
陳跡黯澹滂蒼苔擬將鐵笛寫清怨復恐翠袖含餘哀
主人侶恠不解樂故結勝侶携樽壘翻六鶴舞晴翻

華表清唳雲光開絕憐山雞強聯翼照水寒影空徘徊
謝公屐齒殊濟滕偈又蓬宇徒低摧娟娟新青故堤柳
片片輕白孤山梅春風佳游詎易得相與一笑同銜杯

賦金華方君雙魚研

海上鱗魚雙鬣紅振鬣直上嫦娥宮侶嫌嫦娥太孤絕
耿々冰雪難為容須臾海枯不可下駢頭躍入空巖罅
翠藤交絡石罅深太古風雷催變化得意相忘睡酣熟
開眼重光弄蛾綠跳銀破練何足竒共飽雲映作寒玉
良工感此同死生冥搜巧琢存其形世人翕霍漫刎頸
對此三挹頰為賴玄英聞孫古俠士脫粟論交傾意氣

竭來風雨泊江干
拂拭雙魚落清泪
平生謝子金石交
詩魂寐歷飄黃茆
此中濡毫作新誌
免與俗子同訛嘲
寄張伯雨道士兼簡鄧慶長二首

寢扉曉入香爐雲
尸坐朝日雙臉醺
南山鐘磬侶有約
北山禽鳥如相聞
楊枝低昂碧霞袖
藕葉清淺青霓裙
更欲深居入林壑
築壇夜禮三茅君
越羅作衫花纂纂
今年身長鬢衣短
垂虹大堤迎棹船
綵袖翩躚酒卮暖
還家閉門百不知
桐葉題詩綠陰滿
鄰坊為約張隱居
細雨湖橋乘款段
清容居士集卷第六

清容居士集卷第七

古詩 七言

煮茶圖 并序

煮茶圖一卷 仿石窓史 慶州燕居故事所作也 石窓
諱文卿字景賢 外高祖忠定王 曾孫儀觀 清朗超然
綺紈之習 聚四方奇石 築忠曰山澤居而自號曰石
窓 山樵此圖 左列圖卷 比東如玉筍 錦繡間錯 旁有
一童出囊 琴拂塵以俟 命右橫重屏 石窓手執烏絲
欄 書展翫 疑有所構 思屏後一几 設茶器 數十一童
偃背 運碾 綠塵滿中 一童篝火 候湯 感唇望鼎 口若

懼主人將索者如意塵尾巾壺研紙皆織悉整具羽
衣烏巾玉色絢起望之真飛仙人予意永和諸賢放
浪泉石當不過是而其泊然官意翰墨清灑誠足以
方駕而無愧甲午冬十月其孫公疇出以相示因記
而賦之以茲千古之遠想云

石窓山樵晉公子獨鶴蕭蕭烟竹裏月湖一頃碧琉璃
高築虛堂水中泚堂深六月生涼秋萬柄風搖紅旆旋
遵南更有山澤居四面晴峰插天倚憶昔王門豪盛時
甲族丁黃搃朱紫曉趨黃閣袖香塵俯首脂韋希雋美
一官遠去長安門德色欣對妻子豈如高懷脫榮辱

妙出清言洗紈綺郡符一試不挂意岸幘看雲卧林墅
平生嗜茗有癖古井汲泉和石髓風回翠碾落晴花
湯響雲鏘袞珠蕊蕊寒意冷復三咽萬事無言歸坎止
何人丹青悟天巧落筆毫芒研妙理黃梁初炊夢未古
舊事淒零誰復紀展圖縹眇憶遺蹤玉珮珊珊響秋水

贈張玉田

循王五世孫
來郵設卜肆

將軍金甲明如日勒馬橋邊清警蹕淮壖徹衛羽書沉
置酒行宮功第一彈冠熊軾填高門英玉照稱聞孫
張鎡號約齋
堂名玉照百年文物意未盡玉田公子尤超羣紫簫
吹殘江水立野雉驚塵暗原隍夜攀雪柳踏河冰竟上

燕臺論得失丈夫未遇空遠游秋風淅瀝銷征裘翩然
騎鶴歸海上一笑相問誇綢繆兩曜奔飛互朝夕璇府
森芒蟲莫測要須畫紙為君聽落筆雌黃期破的壺中
白日常高懸道逢落魄呼醉眠清歌停雲意慘淡倚聲
更度飛龍篇

題子昂浴馬圖

首看原空雪新積羣馬飢鳴渡江食大梁公子心未平
一匹宛駒萬夫敵圍人初浴意氣增跨轡已晚知無成
雲牕徘徊悄無語掩卷索一猶風生

送倪德進歸番易

書眸的：垂玄珠辨口落：傾水壺寶刀挂壁指閭闔
扁舟挾浪辭東吳低昂黍禾故流道隱沒桑棗遺宮墟
仰看浮雲勿復語俯視逝水誰為圖天衢晴塵接冠蓋
石室古簡搜盤孟大宜置身並班馬小却論亭追唐虞
懸知擔簦要有得永愧折簡終難呼深春無人碧桃靜
落月在屋冥鴻俱歌聲清琅振金石筆意橫逸搖璜琚
苦心寧為爨下木帖首不作轅中駒牛毛取士固當走
魚目眩世徒爭姝平原飛埃宿麥盡長河奔潦柔桑枯
還家勿陳賈生策閉戶趣著神農書相思我亦返屠肆
靜念子豈淹田廬

送僧德芬過松江

海門山人捐竹杖笑指飛濤挾雙槩雲間鶴唳耳不聞
洞下龍歸夢猶想我聞諸天亦官府一息塵寰搃調御
黃花滿院人跡稀霜月離離在前戶

憶陳道士

空巖羽人氣為祖玉立秋空振玄古酒酣高嘯裂行雲
直上鈞天聽漢武白雲一去誰遺情掉首不問人間名
當時雙瞳傲餘子猶有翰墨傳孤清紫綸交馳丹闕下
人道山中多僕射黃金虵骨碧藤深夜半寒光明月價
飛鳧縹緲山鬼靈蕙殺一薦端貴誠欲從桂父乞仙露

虛牝回激笙竽聲

病馬圖

青絲屈曲長安道卓午歸來厩中老側身仰天思遠游
口不能言顏色悄奚官却立深有疑佻言非病那用醫
願乘長風迅絕足一息八極歸瑤池

次韻張伯雨梅花島

雲屏油幕低覆垂晴日倒映黃琉璃孤根自有巖壑趣
屈曲緹室情依依魏峩青女來葢珠赤脚獨立層冰渠
燧人當陽朝寶鑑金胥簇陋催銅壺何人胸中藏九島
內火迴環不知曉咄嗟已辨天機深頃刻能成化工少

陰陽在手司帝春坐窓更試明
窓塵江湖遠涉汝良苦
門外萬竅笙竽吟

次韻渭川春玉圖二首

至人虛心實其腹手種琅玕如種玉
晴雲散墨春思浮
咫尺經營千畝足清標亭儼矜絜
笑脫斑斕賜膏沐
揚旌植燾神君游萬籟無聲江水淥
此君之志那可量
榮辱相忘在空谷大宜蓬萊之三山
小宜武夷之九曲
前如綺園歌紫芝後若夷齊侍孤竹
隄廩之墨清且竒
脫落玄黃乃真目幽齋尸居取相對
有客叩門深絕俗
天空日沈碧雲湛細酌寒泉
茗秋菊夢迴倚杖森在廷

燁々雙瞳鬢深綠

瑤林羣仙歌捧腹解帶蘭皋捐佩玉
深知五采眩空花
守墨空巖思濯足層冰急雪成
九轉重露輕烟方一沐
湘君寶瑟調初絕唯見遙峯蘸寒綠
長空璇宮起萬籟
翠袖無言守山谷紛紛落葉漫渭水
耿耿殘花守韋曲
論功歲晚端有意深愧羣英不如竹
森然壁立聳堵墻
變化淋漓傾衆目高人宴坐不出門
一榻常懸謝鷺俗
每令此君當上坐末席餘清友
松菊回首故園新雨晴
無盡春風吹草綠

忍恕堂 大都袁氏

汝南堂、卧雪翁飲寒閉戶稱高風吳相亡何不知止
二石醇醪能脫死吾宗高標兩都史餘子紛紛那足比
人生遇事何強嘆百年歲月籠中身水清之魚釣滿餌
白鶴出林紅鶴忘君家兄弟如聯珠熟視不語疑糝糊
連理之木多慈烏大兒拱立羣雛趨家僮大膝千木奴
冬園芋栗夏芙蓉壺有美酒架有書不識喜愠真何如
門前駟馬填華裾

飛鴻軒新安胡則大

冥々天機衝紫霄炎洲雪嶺窮游遨鷓鴣一枝掩目避
始信懷土非吾曹勞生貴賤各有適攘臂何人限南北

三足之鳥今不停寒暑周迴短長刻

李士弘枯木風竹圖

為玉隆陳又新作

狂蛟舞空蒼髯擊雙鐵蒙頂雲交加亭、霜標不受侮
慘澹天籟扶槎牙西山古淵人莫測一柱承天萬牛力

會須截玉化陂龍拂拭苔光遺劍跡

積金峯頭題茅山道士雪梅障雲五采天女行空散珠琲為憐絕壑一枝春

玄墨敷調增蓓蕾回風飄零顏愈真竟日霾藏氣逾倍

油蠶絲、成素旄積鐵離、增練鎧均如側杯頰承露

亂若銛刀續剪絲雙龍挾鞞擬欲上萬馬飛塵卒難挽

高齋鐘磬日未曛徒倚橫斜眩銀海憶昔西湖極遊歷
真與逋仙澆鬼磊後知色相端有空百念灰心付真宰
我、茅君儼不死秦帝嘉平年首亥精思萬林元炁存
衆卉羣芳羞皚、閉門緹襲坐蒲團長恐夜深風雨改
廣信奚君靜能家鷲湖以太府掾出補南康簿
予慕其仕止皆武夷先生講道之地叙言其異
同幾於贅曰成長句亦欲知夫先賢箴警非二
途近世學者駸、虛玄則知武夷晚年持守之
論非矯可不慎諸
我鷲湖盡日鐘磬清不聞昔時絃誦聲爰君卜居在其側

編簡挿架猶談經當年羣公水蒼珮繁、寒芒德星會
投壺雅爭非世情餘子承風增毀背康廬招提無極篇
希夷入道從茲傳百年脣吻互嘲鄙經緯妙密同先天
兩地斯文實元氣宦游家居搃奇事稽古紛綸三萬言
顏生屢空心宴然

次韵王道士

立真人弟子其韵
不雅馴姑荅其意

潭、古仙浮玉顏憫世壯志金城堅丹霞紫壁接霄漢
過客弔古猶思賢王君碧瞳水蒼珮深恨望諸書絕燕
丘公蟬蛻七真化青史誰能繼二班

送馬季權之官平江州

碧梧丞
相凡子

咸淳十載兵塵高漢江之水纔容舸眈，太傅亂天緯
擢船兩翼鳴春濤中書蛛絲守空印片紙除書魚貫進
相府門前青草^草深破席踈簾雙白髻扁舟疾走歸番江
百城破竹爭迎降紛紛成敗付野史玩芳學卧唯軒窓
往事淒迷踰四紀華屋空梁歸逝水洞庭木葉三閭愁
淮南桂叢八公死京城即今相邂逅傾蓋忘年摠論奮
潁州推官家譜傳岳陽樓頭水浮天

宋誠甫押送交趾使之武昌

飄飄蒼珮乘風來下視漢水如浮杯坡陀環堤奮亭障
鐵笛穿石聲崔嵬武昌之魚不可食昔人作歌何寐歷

隔江小城大如斗枉使邊軍暖鋒鏑古來相傳用武地
今作薇垣鎮官吏猩血繫纓金蕊來犀皮屬甲雕題至
碧瓦門深鼓角高羅庭椎髻聲噉嘈銀甕蒲萄雲葉重
錦韁叱撥風花驕深知王臣有奇筭蠻使低頭輸密款
勸君莫登黃鶴樓勸君莫停鸚武洲黃鶴之人白雲杳
鸚鵡之客蒼烟愁愛君手中青鏤筆能寫牙籤三萬帙
迄今舊史難整齊屢屈先皇詔頻出玉堂日正槐影長
汗青之簡光熒煌請君直書亡國事還作觀風寰宇記

送濮陽陳景臯之官忻州

陳侯直氣摩青雲天馬脫駕羞駑羣毳袍昌言高坐聳

餘子俛首卑塵氛探囊奇策得要領炙轂妙語通氤氲
京城久居閱冠蓋酒觴綦局忘昏昕平生植竹嗜好古
膏沐服食童顏醺往年濟陰試敏手桑柘戢、春田耘
政成烏府考上、擊鮮釀秫歸榆枌窮冬邂逅色翫醖
近錫符竹州名忻自宜骨鯁任獻納或佐輦轂輸忠勤
羣公歎息各賦詠跋馬操袂愁離分緬思河東舊雄鎮
甲騎出塞宵踰汾即今樓臺歌響集棗下纂、紛紅裙
爰君胸中人物論焱研破的無虛文蓋公之堂本清淨
解帶卧治水奇勳此君相從匪朝夕畫簾煮茗看爐熏
送湯道士降香武當山

紫衣山人眼如月朝捧天香辭鳳闕柳絲輕拂桃花驄
屈曲層巒過後鶻澗中黃銀如僕姑清淺閃爍隨菖蒲
水流東南天轉北橐籥妙化誰為圖沉、玄帝道淵嘿
手握神機合無極密調六氣佐璇璣魑魅潛藏百神職
暮春之初傳降靈閱世已久難稽評龍虎之章端莫測
龜蛇之光杳無跡

過高郵湖

七十二湖春浪濃風刀剪霞跳玲瓏參差凍柳皂纛重
偃首俟命朝珠宮淮南田父身龍鍾灼龜瀝酒占年豐
舊秋積水挾豐隆長魚揚鬣蒲蕩中桑顛高下淒冥鴻

黑禾生耳隨飛蓬，瓢囊扶携出城東。至治天子達四聰，
詔書寬大蠲民農。秀麥萃，翠織茸。赫日出海扶桑紅，
歲熟於酉年相逢。擊壤鼓腹，欲時雍。展牲美報，湖神功。

趙昌荷花

我家東湖三百頃，瑞錦縱橫綠雲凝。森，曉氣天香飛，
星斗光沈水花淨。遠如嬰兒脫文褓，近若胎仙臨玉鏡。
瓊杯欲側，雨絲垂金掌。初調露珠定，盡將機心付鷗鷺。
小雨輕烟穿短艇，京塵烏帽二十年。夢入滄洲寄清興，
趙生畫意不畫格。淺粉輕砂養真性，韜精斂容羞自陳。
三沐無言月華靚，邇來馮於號能事。老嫩風晴毫髮證。

玄黃已辨神俊，枯逐影之人道中。病高堂視此青琉璃，
香色俱忘保清靜。

京尹旌門

泰山之溜石可穿，磨磚為鏡不問年。人生作事貴若堅，
砥節厲行通蒼天。武清之祠世所傳，出門重趼神已憐。
五里一墩拜漸前，寶鑪當胸起霏烟。念我母疾醫難痊，
帝叱二豎沉諸淵。秀眉鶴髮人中仙，伯仲於季舞蹁躑。
脩齡已盡銜苦冤，烏傷柏慘羅墓田。劉愷丁鴻孰為賢，
煌，神州風化先槐柳。表道綽楔懸，指紳交喜聯序篇。
太史屬筆慙非椽。

乘鸞吹簫圖

繆公荒淫亂天紀，纍纍宮中四十子。懷羸復作重耳妻，
匹鹽相揮國深耻。娉婷弄玉誰復看，參差窈窕能合歡。
築臺虛聲出天外，詐言後夜同乘鸞。人言神仙能不死，
橐泉之墳露遺址。哀哀黃鳥飛復來，良藥刀圭竟誰致。
高辛之女隨盤瓠，漢愁匈奴遣公主。一身能解百城圍，
鄙計呶嗷笑千古。天台之事尤荒唐，劉郎阮郎歸洞房。
石橋雲深樛木眉，披圖相看儼同傳。

雲岡圖為王叔能作

白雲晃々虛飄々，羣峰磊砢通危橋。蒼髯側挂截地脉，

素練直下來。山腰是中樓閣誰所居，翠篁高拂寒光遙。
憑虛望遠意莫盡，振衣獨立搏扶搖。王侯出守山水郡，
逞懷盤礴窮清寥。一日不見輒憤々，卧游想像歸生綃。
信知俗子謝不去，濟勝有具難為招。

贈吳江宋尉

太湖三萬六千頃，穰稔秋風政相並。吳船蹴擲如飛梭，
鳧鴈參差白雲影。連年田舍無炊烟，吳船出沒平湖前。
縣官打衙入湖去，弓刀夾棹魚升天。元憲之孫為少府，
岸幘看山揮玉塵。飛蝗避境虎渡河，吳船雖多奈我何。

與相士王月屋

世途紛々黑如漆暗中摸索端有術何人竊藥廣寒宮
碧眼淋漓論得失麈頭之子藍且醜牙等夜深鬼神守
麟臺功次不論渠當道相逢須疾走

廬陵梁醫濟生堂

上池之水人莫識三揖東華借餘瀝瞳光透碧千里懸
二豎蒼黃離衽席南康昔有劉神醫鶴骨變化芝朮肥
入門逆意望且走吾今見子同其機

次韵史允叟檜屏

蒼雲之根百歲植巧匠屈曲空揉蟠淨如翡翠立亭下
矯若么鳳依闌干崢嶸要使頭角出鞭霆駕電起雲端

扶春萬條豈不好猥瑣籬落迎霜殘君不見姚江參天
兩隻檜至今風雨之夜猶清寒越王尉餘姚嘗植雙檜于尉治

次韵蔣遠靜

蔣氏祖五代末與僧為友僧落魄乞食市中六七
見常負囊從之一日與蔣浴江中視其背有目蔣
驚異是日僧化去乃彌勒也留布囊与列且云蔣
氏子孫當代有進士

唾壺塵尾手持白眼對客々不知出門俗子多敗意
三語之掾真吾師曉寔新沐綠陰淨碧雲奇峯生九疑
隔鄰書聲入幽耳茶甌散花酒浮蟻百年行樂在適意
燕頷頭顱空萬里君不見燕山俠客多苦寒出門悲歌
來日難

同龕彌勒誰總持沙上偶坐忘所知布囊相傳陋七葉
密記端是人天師愛君清言漱金石酒酣硬語輕丞疑
亦知造物端戲耳一室尸居旋磨蟻東鄰花發西隣歌
咫尺相思隔千里陳郎之約不可寒我眠卿去人所難
廬江羊孝子兵難時兄弟三人與其母被掠為
奴後廿年復得完聚郡表其閭

君不見觀津竇廣國傳舍沐頭深記憶時來徒步入長
安握手相看泪如滴又不見杜羔孝感為尚書兵前失
母長歎歔一朝老嫗忽邂逅即君王貌猶吾夫淮源鐵
騎排雲來戰骨積雪飛寒灰小兒纍纍繫馬尾鬼妾赤

脚驅車迴黃塵漲空日將暮母子兄弟不知處只今總
是太平民那識當年亂離苦人言缺月定有圓馬能生
角石可穿亭之高門拱槐柳更灑鴻筆傳青編

送潘元卿績溪邑諭

君不聞黃山種松法纍纍如珠茁如髮十年拱把百年
梁華表相看化鑿魄又不聞婺源之山高入雲黃流夜
作河漢奔醜渠漩渦濟川具帖首萬折歸天門魯中之
壁神可惜龍馬成圖帝為錫韋編索隱年益耆此道誰
言深默得紫陽老人心胸高番髮執簡窮秋毫即今羣
經束高閣上擬混池中唐堯拱手臯比立環堵咳口紛

紛角門戶君看黃山之松婺源水師友根源政相侶

次韵黃松瀑自廣信見寄

開元天子書石經雉頭焚却邊字寧合宮宗祀廣致敬
底用物馬登云亭林、碑臺刻新出嘉禧殿前稱第一
小臣捧詔渡江南蠶尾渠看耀晴日裝成分賜諸王宮
餘墨淋漓徧孤棘古文偽出今文訛斷簡誰能究佔畢
黃仙盡日鉛槧忙語言冰雪容堂々明時孝治邁千古
願借鴻筆歌陶唐時奉旨刻

題黃居家蒼鷹擊雉圖

坡陁蕭秋塵四起逆風雉飛疾如矢蒼鷹為矯々凌空來

注目穿胸紅披靡山堆藏頭入荒篠回視其雄端一死

玄雲摩盪寒光浮側身翻雲轉輪翅急如冠軍赴猛敵

緩若計士藏深智蜀山巍高翠周匝狹徑交衢不容駟

黃生養之愛神俊勇氣縱橫怒盈背想當落筆望平坂

回首當閑真劇戲君不聞箕裘可學端有傳諸孫射生

養殘年黃筌養鷹學畫鷹
諸孫皆成獵師

送廬陵陳存道赴廣州教授

君不見端平崔相國竹杖角巾老辭蜀清名高節耀千
古寒菊孤香出林谷又不見咸淳張狀元落々大對三
千言流離抱忠葬魚腹要使名字傳遺編即今聲教震

南朔此州文獻端磊落荔枝一色紅雲蒸菖蒲九節清
溪明當年中州人物論風度曲江之公唐帝顧吳儂僊
父互譏評坐使官曹異銓注吾聞八桂山峯如玉簪衣
冠之氣連青雲穹龜負碑百神拱色羊跨乘羣仙尊翮
翩陳子天都客萬舞充庭考金石笑觀滄海陋浮漚鵬
飛暫作天池息

送毛道士降香嵩衡淮海

我所思兮在嵩嶽神清之洞何駭愕參差弄月秋氣高
王子飄飄醉騎鶴少室山人蕙帳空君今駿馬凌春風
山中齊聲呼萬歲我欲同君學蟬蛻

我所思兮在衡山重華玉珮聲珊瑚芙蓉石牀秋水冷
木葉飛燈光耿々軒轅道士人不識澗底拾薪鎔白石
我欲與君上九疑萬民樂康明聖時

我所思兮在桐柏窳々帝鄉今莫識潛流倒注平淮成
天塹曾為萬人敵金龍護簡帝令森蜥蜴俛首穹龜沈
我欲與君探其底五兵長纛樂平世
我所思兮在南海鐵網珊瑚援手採沈沈雲氣方壺深
絳節神君侶相待海中颺母方頑癡朱書短札能捕之
此中奇觀通扶搖吾欲與君觀沃焦

贈番易劉生振

我欲贈君珊瑚枝君言不如貽我雜組辭我欲贈君懸
黎珠君言不如貽我盤盂書長衢飛塵日卓午觸暑東
游甬江許目光陸離衝紙背徑上河源窮織女龍圖龜
書香無跡弄丸冥搜矢穿的空林看天無底青虛室生
雲十分白幽蘭叢深不當戶盤露凝膏敵瓊醕泰山積
溜石可消鐵研玄花散晴乳林、白袍校詞藝鷓鴣淬
鋒礮初礪身同蝶化入寥天欲伴飛仙更斫桂彤庭會
升開祥雲河目海口真天人昂、曾中治安策慎勿謾
與深彌綸萬里之行生足下黃河層湍及奔馬參差柳
色暗皇州龍榜高懸動朝野

句曲山迎真送真詞二章

往歲在翰苑嘗草三茅君制書近張伯雨道士寄
示陸魯望白曲山朝真辭二章蓋每歲大茅君十
二月望日相傳由天台歸茅山春三月十八日復
歸魯望所製乃十二月而三月獨缺予不揆用韵
以補後章續以字書即絳字古率字作率呂道
過三茅因書以寄且為異日朝真之資伯雨詞氣
清簡必以予言為陋也

參差窈窕行雲急翠旌飄、靈華濕神君夷猶疑未來
矯首精思各山立瑤臺章徹星斗冷碧扉丹透紅流影
春雷迸壑人不知獨鶴眠松已先醒 迎真
妙顏朝迴寶衣解乘龍高駝賦過邁山中老人年送迎
一酌寒泉過玉瀼翠氣紛霏森孔蓋扶以流鈴光燁、

帝子高歌歸去來白月追雲送飛珮

送真

附龜蒙詩云

九華磬答寒泉急十絕幡搖翠微濕司命於
旌未下來焚香抱簡疑神立殘星下昭霓裳冷缺月
繞分鶴輪影空洞靈章發一聲春來萬壑烟花醒
縈雲鳳髻飄然解玉鉞玄竿儼先邁朝真弟子悄無
言再拜碧杯添沆瀣火鈴踣躍龍毛蓋腦髮青々赭
纒々萬象消沈一瞬間空餘月外聞殘珮

贈呂與之

碧宮獨對中秋月但恠腦華雪霜白瘦筇直上大茅峯
長吟冥思啓玄籥綠蘿丹騰紅欲走我欲拾之難在手

齋精超形朝紫宮下視塵寰等蒼狗

送瞿伯器還吳

輕鷗不受機心縛良馬端隨敏手馳鄞江井邑十萬竈
簿領積凡窮繙披瞿君坐曹談笑決長官驚誇里閭說
豈惟煮茗挹清風復解停杯問明月澄江雪浪催歸舟
洞簫聲咽行雲留明時掄材在濟用佇看公府交章酬

竹素園

緗帙不作飛白體漆簡端微殺青書哀哉瀛王兔園冊
自比稷禹今何如陳生歌聲夜漫々手織雲錦餐琅玕
丈夫書功夙有願蕩節束帛光丘樊

松聲樓

層樓突兀觀芸々萬籟次寥天地分初如盤車出層巘
宛若幽磬穿孤雲上方禪寂念不起但見白鶴來續絃
金鐘風篁儼相答有客掩耳元無聞

阮受益携郭功父杏山詩來求題乃知為名門
所作因次韵

葛翁迎曦侍東皇笑指梅根之陽岡手揮桃李植文杏
春至古澗流紅香杏華飛時爛林谷錦繡為天漫翠木
即今不識空陂龍猶指當年奮乘鹿紛々機事危黃間
彼艾之植誰猗蘭青松迴風太古籟移居之老時回環

兩曜跳丸今幾載阮氏隱居端儼在金章紫綬先譜承
鴈塔龍門耳孫待翮々俊翮海門山我欲扶之周九寰
精思義皇粹六籍迄願閉戶窮鉛丹支辭濫說眩媢母
正色危坐當前顏神仙之說不可學月窟謹視環中環
送林以道歸括蒼

書生作官端作勞接拾歲月如聚毛行年六十甫墨綬
又見納祿還林臯磻溪之翁誠有道采芝妙顏夸不老
明時貪賢在壽俊未信吾徒竟衰槁君家周官擅彌綸
經緯表裏通天人那能望塵拜太守振衣黑髮前旒陳
松花霏々散黃霧春盡還家美無度篝燈讀書目光曙

承明之廬我當佇

題明皇擊梧桐圖

胡兒手持玉環侍君側
睥睨阿環非一夕
宮中秋葉奏清商
笑擊孫枝工按抑
嶧陽之材雲門曲
能使薰風生衆綠
如何促召羯鼓催
開紫妖紅看不足
馬嵬坡下催進程
琅璫檀板悲零鈴
緬思康衢擊壤叟
帶索行歌不知老

清容居士集卷第七

清容居士集卷第八

歌行

吳船行

吳船團，如縮龜終歲浮家船
不歸茅檐舊業已漂沒
一去直北纔無飢
清晨煮茶，味惡薄暮熬糜，力薄
不憂江南雲氣多
止畏淮南風雨作
去年水淺留金溝
今年水深上新州
終朝但知行客苦
盡歲不識離家愁
大兒跳浪新九歲
小兒學行蓬作地
維舟未解石舟牢
盡日鸞篙仰天視
吳人不解石舟牢
淮南捕魚戶寄語鄉儂
莫怨尤
它年水深為汝憂

淮船行

淮船、薄、如紙客行船頭怒如鬼布衫漆黑鶻雙拳
邂逅相爭渾欲死船長不識丹矐巧却識江雲低飛礮
風來急鼓響、轉艣爭篙復喧鬧淮東燒鹽白如玉
我船輕行一萬斛淮陰米麥如京坻我船破浪帆如飛
為語吳儂莫相勝昔日汝輩同嬰兒、蜿、淮山起晴翠
船已辭鄉不相對轉蓬它日望江南猶勝當年吹出塞

越船行

越船十丈青如螺小船一丈如飛梭平生不識漂泊苦
旬日此地還經過三江湖來日初晚九堰雨慳河未滿

當時却解傍朱門醉眼看天話長短年來官府催羨網
經月辛苦鬢已霜布裘漫作解貂具入門意氣猶猖狂
自古魚鮭厭明越明日今朝莫論說買魚沽酒不計錢
被髮江頭傲明月勸君莫作越船婦一去家中有門戶
沙上攤錢輸不歸却向鄰船盪雙舫

清明行

東風吹柳鵝眼新家、清明忙殺人微雲細雨作春色
輕車急馬團飛塵大墳崇臺甃花石新檜珠幢當戶植
小墳累累、俱土堆高下尊卑人莫識豚肩韭餅穰珍味
水飯飄零多古意把杯直欲酌重泉頰首填膺下真泪

須臾無言各環坐折柳攀桃爭噉炙新愁已向眼前寬
舊事翻疑夢中過

新安芍藥歌

送胡伯恭之婺源

洛陽花枝如美人點點不受塵土嗔輕朱深白鑄顏色
高亞綠樹爭精神那如新安紅芍藥透日千層光閃爍
碧雲迸出紫琉璃風動霓裳凝綽約我聞種花如種玉
盡日陰晴看不足微雲澹蕩瓊罷光細雨輕湯蒙賜湯沐
何人看花不解理香雲紛綸手中毀酒酣跌踢空低昂
得意須臾竟如此翩翾驪雲中君愛花直欲留青春

青春如流歛歸去明年看花君合住

天瓢歌

天瓢之液如黍珠緹以十襲拱萬夫帝青寥々誰可上
回風扇空揚焦枯何人夜坐守瑰室九閔清嚴集虛一
河車歷錄雲迴環帝奔騰山鬼泣中有一老翁絳旂
朱情鞭飛龍手持赤字書直入玄冥宮取瓢上天去義
和側馭追豐隆人言此瓢不易倒瞬息人間成浩浩聊
將戲劇轉清涼玉散珠跳為渠好積神為寶々乃成語
嘿變詭通仙靈丹臺紫府杳無跡丁公壬女徒多名張
侯之妙不可詰見月入水月豈濕解衣倚樹寒滿襟遠

視銀河暝如漆

晉寧丁節嬪歌

明月何團團，不照孤飛鸞。妾心無虧盈，留作白頭看。堂前青桐樹，慈烏旋繞來。無數朝引三，兩雛返哺日落聲。嗚呼！誰人挾彈闕我烏，守樹長泣眼為枯。人生莫作陌上花，東風飄蕩隨泥沙。望夫之石何亭亭，不如長衫立素屏。流梭夜織燈青熒，黃姑側聽中屏營。天帝與植雙桓楹，木盤可鑽河可塞。千年苦心誰復識。

哀牢夷

送張子元
僉事雲南

哀牢夷 蒼山疊翠雲無梯，洱河西傾去無底。晴日倒射

紅琉璃，相傳沈木兒背坐。曾遨嬉，築城蜿蜒，侶龍尾。千

古髯君，乃其始縛繩。駕長橋，皮船中蕩搖危巔。石樓高

百尺，子孫生長今。漁樵空林，明月手可拾。仰飲飛流鬚

髮濕，寒藤冒徑側。足行飢猿兒啼鼠，人立慘澹虛無間。

烏道開人寰，娥眉東望止。一髮參旗玉井閃，上下隨

躋攀。君不聞木皮岡前九折坂，客行胡為車欲返。又不

聞青溪，閑上三碕城。累戰骨耕耒平，輕家許國要有

道。矍鑠是翁誇不老，張公子當有行繡衣。青春焙瓊英

笑跨紫燕，辭天京。朝餐五粒之松子，暮食側生紅入盞。

從來蠻客尊漢官，但飲亡何端有理。南飛雁足何幢，

從來蠻客尊漢官，但飲亡何端有理。南飛雁足何幢，

不能與日隨西東相思望君日西下去天一握疑有雲
氣日相通

安南行

送李景山
侍郎出使

輜軒使者安南來紫泥封詔行風雷濕雲翻空海波立
鐵網山裂狂蛟推神京煌煌鎮無極火鼠燭龍窮髮北
彈丸之地何足論蚯蚓為城霧為域瘴江如墨黃茅昏
羣蠻渡江水渾千年白雪不到地十月青梅猶滿村
赤脚搖脣矜捷鬪竹箭藏蛇襍猿狖崛強曾誇井底蛙
低徊自比泥中獸龍飛天子元年春萬邦執壁修臣隣
朱子玉戚廣庭舞笑問銅柱今何人君不聞重譯之人

越裳氏有道周王輸白雉又不聞防風之骨能專車神
禹震怒行天誅李侯桓桓水蒼珮舌本懸河四方對後
車並載朝未夾稽顙九拜乞取金印歸矣荒

次韻黃可玉古墨行

寶刀曉割千歲松神膏摩盪長檠工明窓飛塵散玄粉
七劑直與金黃同澄心火伸初睡起綺疏碧芽烹大龍
金星濡毫試輕重雪跡點點留羈鴻嘗聞老奚對膠法
經月下擲清池中蟄如寒蛟纏鐵柱霹靂光紅與神遇
晴暉澹蕩浮雲陰咫尺鍾山隔朝暮潘郎再拜口流涎
手揣不敢汙其羶睿思殘珪密封識舉世那得窺完全

絕憐江南文治極清賞沈着忘籌邊玉清我墨卿泣
此寶脫幻今無傳星灣寒泉白雲宅中有舊物懷杯園
銅魚飛符不易合金釵留股那有緣撐腸拄腹貴善用
知白始解玄中玄暮年長物等嚼蠟借此寓意哦詩篇
鄭公諸孫保遺笏滌志甌勉窮韋編慎勿小智窺寡天
嗚呼李生之墨三百有幾年不如陳郎墨守行千年

李宮人琵琶行

先皇金輿時駐蹕李氏琵琶稱第一素指推卻春風深
行雲停空駐晴日居庸舊流水浩湯亂人耳龍岡
古松聲寂歷不足聽天鵝夜度孤雁響露鶴月唳

哀猿驚鷓鴣絃水晶絲龍桂珊瑚枝願上千萬壽復言長
相思廣寒殿冷芙蓉秋簇金雕袍香不留望瀛風翻浪
波急興聖宮前飲客立花枝羞啼蝶旋舞別調分明如
欲語憶昔從駕三十年宮壺法錦紅茸氍毹牽馬漣不
知數前部聲催檀板傳長樂晝濃雲五色侍宴郡嫌頭
漸白禁柳慈烏飛復翾為言返哺明當還朝進霞觴
輦道母子相對猶朱顏君不聞出塞明妃恨難贖請君
換譜回鄉曲

渝州老人歌

新城彭大雅集

渝州太守築城瞰江堅且牢月挂斗柄山鬼號州民累

累下江去蜀水入漢纔容舟渝州何嗷嘈攀緣翠木參
井高不愁灑瀕作人鮓但願浙米雲安去如馬憶昔豈
太守晚得一州大如斗征西將軍華表柱白鶴不來猿
狄守小兒舞梨紅離、大兒挽車上棧遲渴飲古澗之
層永暮宿古松之危枝渝江之水人馬瞬息渡排石列
柵猶支持年、草青記新曆不識烽火平安是何夕赫
日涌紅輪金雞飛報渝州民空梁燕回候歸語小墻花
發舒啼痕渝州老人面如漆家住金陵年七十含辛老
入巴江路猶記墳前白楊樹前岡甕崩流後岡蚓成丘
社翁相詢傳父祖里婦驚猜訝吳語澆酒酌墳封四尺

程氏之墳從此識君不聞武擔之山五丁土歲、春風
啼杜宇

大雨醉歌 寄王待制

海風吹天黑嵯峨仇衢積溜分江沱壞墻羣蟻上枯木
方池遊鯉跳鳴荷似聞南鄰王學士閉門把卷工吟哦
高張障泥倦行水垂簾倚枕游槐柯北隣老生病無力
玩易忘象窮羲媧垂楊洗、翠旄舞幽葵湛、朱顏配
憶昨祠宮醮雷所被髮繞甕揮且訶縛芟搏泥肖龍狗
喫酒噴霧刑牲鵠寸雲在手不受令挾以風伯飛塵劇
虛皇神功絕聲色髯羊怙首辭岩阿君不聞夸父逐日

死飲河愚公辟影跡愈多曹相畫一日亡何草廬高卧
梁父歌板築飛詔起而蘿百年兩曜如擲梭志士惜日
鷲益皤會須深泥絕行道免使襜褕之士肩足相累摩

龍尾歌

送文子方著
作調官雲南

朝辭龍尾道暮往龍尾城七尺遊龍當道鳴春雪未解
四蹄輕憶昔哀牢夷來漢賓蘭倉夜渡歌苦羊皮船之
浪墨雲沈、繩橋之雨青泥濘、登山採桐皮側見五
粒松手攀斫入口疑是沈木背坐慘澹悲回風鳥飛不
能住哀猿忽相逢旁有僮耳翁為言太古之遺蹤諸葛
丞相韋郡王村、列祠堂瓢笙銅鼓羣巫舞牛散蘭藉

羞瓊漿六詔之王無曆紀唐帝傾師邊將死建隆天子
不用武玉斧手畫大渡河兩股蠻酋易馬來黎雅恣言
茶錦不當價神武皇帝開聖元雜獮窟穴張王官篚筐
歲入長安道賈客辭家不知老文著作聽我辭去天萬
里夷民疲織罽漚猩血煎金鑄裏曉夜行碣門夷疾追
平明出関面如沉却來京師望塵拜簇金毳袍向市賣
文著作今典雲南之選部目光透牘提筆署翦彼荆棘
薰蘭當戶西南之人手加額太史重修考功格

月海歌

水國紅葉下萬山白堯峨扶脊無垠接天際望舒力挽

沈金波人言老蟾那有光為借三足之鳥起熒煌烏已
入地蟾在天此說詎得然或言大塊蓬氣為主浮空
五色神后輔顧菟在腹不得吐下入八瀛金碧聚貝宮
樓臺珠結戶穹龜前驅老蛟舞千人之目皆在水各持
一月得歡喜夜闌斗轉銀河傾變滅消沉去無趾

敬亭歌

送鄭子宴
將敬亭

棗實纂：羅衣單抱琴背日隨鴈還今年六月居庸關
馬蹴石子流彈丸曉渡灤河水：渾不見底中有三尺
鯉素書不成字佻疑戒我慎出入五侯之鯖過客止羨
覆手爛將奈何仰視流光去如矢行路大難歸樵空山

或言山有虎豹嶺有榛菅歸漁於河：有蛟龜去將隨
波舊家返渠溝已塞錢唐烟蕪歸不得敬亭白雲何離
離二仙霞衣坐翠微手持紫玉簫和以丹桂辭大言冷
泠小言累：勸子勿為道途苦幽蘭深谷不當戶室青
滿岩玉流乳手繪朝元之圖萬神舞

秋江釣月圖歌

南山舞空趨翔鸞北山人立如啼猿長流東來貫其腹
謂是淞水屈曲萬丈之上源大魚奔騰鱗鬣焦小魚委
靡隨江潮中有白玉蟾落：五采凝不消人言此蟾在
天主陰魄淪沒何為水中宅籬：千尺綸蟾永不受吞

袁仙字

廣寒高居凌紫清日逐烏御不得停愛此江水碧倒空
浴影潛金精感君纏綿如有素瞬息還須上天去君不
聞任公子凍海投竿非小智又不聞嚴先生羊裘古瀨
成高名君家慈母占畢逋百尺樓觀端可居黃金之鈞
不復理明月年年在秋水

二老歌

王景先省郎幼孤祖母及
其母鞠之今迎養京師

烏啼風滿窓機鳴月當房辛勤三十年護此玉雪郎大
母呼孫牀下讀阿彌_魚雞炊黍熟黍熟不敢嘗命兒奉
姑旁姑言春在長安枝東風滿林深折之一折不得語
再折春_臙白雲何相隨下馬忽在戶驅馬還家上堂

拜婦姑繡衫錦為帶長安之花果如斗不辭看花飲春
酒

三馬歌

東坡三
馬贊本

羗水渾蚌解屯瑞至人率歎尊叅以陳仰天門龍為鱗
炳虎文髯悍犖效伏馴鑿錯馳道遵帝乘虬相攀雲
逝無留返崑崙

廬陵劉老人百一歌

昔聞寧皇嘉定時平淮如掌糧如坻襄陽高屯十萬卒
武昌金埒饒軍資四蜀環山堆錦繡滔南紀喉襟首
峨眉積雪不動塵玉壘浮雲古今宙當年行都號全盛

翠箔珠簾爭鬪勝西湖不識蜂臺愁北閔已絕強隣聘
寶慶天子來自外邸朝諸侯土疆日窄邊庭憂大帥偃
蹇藩鎮伴小壘椎剝租瘢稠春城絃管暗烟雨四十一
年變滅同浮漚咸淳太阿已倒持銅山之賊專宮帷樓
危金谷山鬼泣舸走白浪江神悲老人年周一甲子
至元大帝車書合文軌每話承平如夢中萬事東風過
馬耳只今行歲一百一坐閱天地同昨日秭歸聲苦紅
葉翻却却睡熟黃梁失門前手種青桐百尺長笑指截
取諧宮商少君荒唐方朔誕不如老人親見深谷為高
岸我孫之孫為玄孫翔鸞峙鵠高下飛集駢清門憑公

欲補先朝事濡毫更作長生記

月鑑歌

騰：玉兔光爬沙人言受日為精華又言蟾蜍老不死
側身躍入廣寒裏信知七寶合無跡借取山河成戲劇
衆人望月見盈虧君今以月為準式我聞初生時纍纍
星爛不敢隨亦如男子墮地在文綵獨抱靜性無邪歌
亭：三五趨象緯雲從於龍魚有水君臣得志何慷慨
千古消沉竟相侶須臾寒光海中匿山鬼悲吟虎狼藉
華亭聽鶴沅年空北海牧羊深雪積我觀帝城之月如
玉輪團：的、無纖塵中有隱默士範月為鑑驚都人

大言穿楊葉小言貫蟻肝太虛氤氳眇窮髮引酒高坐
歌闌干

玉署鰲峯歌 蒼伯庸

女媧五色餘刀圭化為蓬萊東海之虹蜺神君方瞳怒
凝睇不如百鍊積鐵永從西方奎日有三足鳥其光映
顧菟海有三足鰲神山簸靈濤吐吞出沒無定時一叱
使之來玉墀大承虛皇小扶銀漢黼黻帝裳追琢廟瓚
森嚴巖巖鎮帝署百鬼却走不敢侮其或敢侮怒絕其
緒粲若珊瑚枝燁々三秀姿文理密察儼素樸乎尹旁
達哉玄機我昔生其側耳冷心彷徨經旬卧向壁夜夢

天孫手授雲錦交龍章漆書誥盤傳古昔中有寶珠杳
無跡散之六合捲如席視之不見聽以息元氣氤氳龍
馬興文茲石點首詔爾小臣慶非烟霧出如絲綸矢心
濡筆靡有數萬古作式永無極

秋風歌 蒼子貞

七月霜清鴈南起美人亭々望秋水鰲峰石畔金蓮彫
襮被中庭候行止至治丞相歌堯民矢心前榻詞如雲
平原黃低翠交舞寶穡肅々方調辜巍哉虞皇傳令速
萬姓樂康真景福使臣覘言忝未熟八十一車馬停足

東門行

神皇揮戈度黑河，四廂捧日肩相摩。金袍珠縈帽七寶，
剖符帶礪功難磨。年，舞馬魚麗列宴罷，玉帳經南坡。
嚴更傳警夜氣肅，繡貅千列環象駝。華蓋西傾星散雪，
殿前蘭膏猶未滅。千金七首肘腋生，拉脅摧胸慘凝血。
平明羣兇坐周廬，傳旨東西騎交送。棄馬之邦身被繫，
執簡以朝筆猶舌煌。厚息決肌髓，悲泪填胸痛天裂。
金繒盈車內府竭，虎視眈眈終一啣。

廬陵海月道人歌

飄々白玉丸，空明歷落行雲端。世人不信之謂是太古，
圓缺相循環。吾欲與子窮端倪，一葦巨浸無東西。金精

貫珠宮，倒影流銀泥。飢蟾飲水不入吻，五色吞吐成虹霓。
霓乃知山岳積培塿，巧遮世自如以手茫々。水空輪載地行無垠，
置身浩蕩外。光景常如新，吳剛持斧不得休。沃焦日夜無停流，
紛々榮辱可奈何。仰天一笑君當歌。

聯句

東湖

舊學蕪三史，新居隘一廛。煎熬魚鮓，轍奔竄鳥驚弦。擬
整登山屐，長伯須乘破浪船。出關塵已遠，平德過埭意爭先。
歸舶攢桅聚，長伯浮梁斷鎖懸。潮渾江葑沒，平德滕破岸藤。
纏成柵，依樟密。長伯官堤砌石平，機閒菴喚織。平德砧響馬

傳箋下靜喧煩耳長伯猶欣輟轉眠鵲橋華屋廢平德鵝匯

曲河連相實閒農具長伯醜嚴絕竈烟急裝紅蔽膝平德辯

髮黑垂肩估客編文貝長伯村家結木棉生涯疲剝剝平德

世路窘迤邐龕室休行客長伯郵亭歎逝川鞞鷹圍獵罷

平德聯騎縱游旋路轉分支港長伯川明幻別天鄴城花已

暗平德甬水恨空傳數埃搜唐刻長伯題詩紀宋編會堂夫

子像平德汲井隱居泉海眼藏龍窟長伯山心射鹿田水鳴

知棹急平德岫走訝途遷隱見岡巒近長伯低昂摘袖鮮青

山猶五里平德綠樹已千年歸犢如雲擁長伯閒花似火然

亭裳遊女淨平德蘆管楚伶妍繫纜披團氅長伯循溪捨竹

篔簹香幽菊傲平德土薄假山偏燈火精廬古長伯衣冠故

物全登門論子姓平德對坐叙姻聯金魄篩窓影長伯丹砂

養井淵螢飛光熠平德鶴唳翼泊一斗室橫鳥几長伯方

牀藉素氈魂清時入夢平德意得竟忘筌過墓成扃戶長伯

遵湖復扣舷澹洲迷秀麥平德真隱拱朱椽碧洞諸天杳

長伯蒼珉帝畫鐫梯危頻縮武平德像寐且擎奉紫府商霖

歌長伯丹書漢澤宣銅鋪苔暗蝕平德經度燕新穿倦鳥辭

枯柳長伯游龜戴旱蓮古奩開激灑平德斜穀縐漪連淤塞

菱排劍長伯洲乾蓼糝鈿官徵都尉粟平德漁納水衡錢王

絕山靈泣長伯祠荒楚老怜紙旗鄰社鬧平德草六曲河填

此去真聊爾長伯斯行信偶然柏幽巖平德颯颯平德潭黑袞

蛟雅興吻鹿勞生站長伯奮攬芳真啗平德蔗平德馬絕擬

和鉛轍跡蕪菁翳長伯麻蒸臬耳緣貞娥鬱龍虎平德曹相

紹貂蟬宰木平德神隧長伯思亭列石筵風霜翁仲老平德香

火釋迦專楚些招歸魄長伯王官慨昔賢拜峰誰控勒平德

篆水自書玄屈曲東西路長伯縱橫南北阡繁華昨轉電

平德得失口垂涎絮酒悲宗老長伯囊經想地僊房溫連梵

頃平德市近接腥膻破露生衣濕長伯登坡弱足時卧牛遺

扁暗平德眠鹿繪容虔金刹從茲訪長伯塵纓合少獨伐山

靈運躁平德衝雪子猷顛檜煖蜂偷蜜長伯蘆寒鳥啄綿鱗

稀螿數百平德樵夥斧論千淡日收人影長伯空嵐漲土坵

蒲葵遮望眼平德蘭紙論吟篇除道家僮懶長伯偷程地主

儼蟻封徒曲折平德駒隙漫拘摩碎石行長伯脩篁个

个圓深藪驚雉翠平德夾徑聳楠榭濯錦芙蓉艷長伯飄香

桂子駢雕楹回復道平德斜閣布陶磚刻畫功難盡長伯翠

飛勢欲翩奉常陳劍履平德尚服錫紘紆懋織鮫人網長伯

帷凝蜀國旗妖姝汙粉頰平德土偶聳高顧祛石當時力

長伯臨淵昔日權平德只今留黑業平德何處覓幽禪燕領風雲

會長伯龜趺日月躔蛛窠綠袞服平德鼠跡上朱籩累僕供

朝汰長伯因僧進午餐佳城蹲五鳳平德素業廢三鱣勝已

窮蘭若長伯名猶慕倨任臺空霞珮冷平德殿窳羽幢薦觀

主何年任長伯真官永世鍵畫梁誰復葺平德美蔭久頻睱

木已非真李長伯僧宜賤壽錢悲來雲幕平德恨極水潺

潺重嶺巖枿屋長伯斜暉指蕙榜暫歸心未穩平德欲去眼

空眩憶昔窮誅闢長伯如今猛棄指慈山名轉赫平德因壞

耻誰湔積翠林霏悄長伯流波海月始遠鐘催宿鳥平德橫

笛桂鳥捷拄笏風騷曼長伯携壺主僕牽情懷同黍醴平德

臭味比香荃園澤休論舊長伯華胥復記前乳彪號澗側

平德哀狄嘯雲巔悖族盤餐盛長伯通家笑語闌鴉鵲歸漿

熟平德舩艤逆風沿濟勝應難促長伯臨流且賦逆鴟夷歌

逝矣平德漁父卜終焉紫槿遮籬角長伯丹楓歷廟堞鍊形

金骨化平德團礎土砂堅破屋啼山鬼長伯荒碑立老鸛歲

時羞墊賽平德水旱禱靈筭西帝澄金宇長伯東湖鑄玉璿

涼颶舟泛平德晴日草芊芊射鴨縈長弋長伯魚擊短

鉞酒廬橫矮甕平德屠几斫肥牲街市僧袍麗長伯招虛販

鼓蕭登臨難婉戀平德想像費平銓更欲南窺海長伯誰能

北跨燕同心雙繭緒平德狗俗走珠蟻朗鑒詞聯寫長伯玄

談茗更煎翔翔誠放浪平德匍匐類狂屨已之凌雲句長伯

時思縮項鱖還家如夢寐平德共點曉霞邊長伯

九月望日送姊歸余氏先塋之廬登其高祖少師墓相傳為外高祖忠定王所相余氏之興兆于此支壟

海鵬跨南雲 一去扶浩蕩 宛駒踏北雪 絕足追罔象 宵

為尚書公墓亦為佳兆十六日早發遵山行一二里
拜外舅之考待制公守墓僧畏祇迎閉關之終無
人聲山勢左行清興未已借余庵舟過東湖上外曾
祖忠宣公澹洲堂故基悽惋父之舟上與德平
行至月波八忠定王師奠又後有五祖堂觀招魂辭暮抵
鹿登葉夫入正肅公祠奠永廣州几筵行以殊為疲勞是
夕德平抱况相示眉宇修廣予許元公碑庵僧酒然
明過種德拜是日獻公墓讀楊文僧指領游大慈七
非鄭氏庵比是日德平携壺同庵僧事示復宿鹿
山有僧年七十餘能道嘉定結庵間墓歸忠王墓已具余親
製滄洲堂上梁文益重遠想拜忠獻王墓歸復宿鹿
楚滄嚴君命以詩成凡一游鮑王祠日已具余親
翁病瘡復留宿詩成凡一游鮑王祠日已具余親
于詩詞雖不工然二人綴緝之勤有不可不示于好
游者用識于後云己丑十月某日楠書

征車載脂伯長明熒燈在幌行邁念悄々離愁懷養々違

吳始接浙平德過越類指掌虹網結遐思羯鼓促新響觴

至不復辭伯長駕逸誰能仿明堂企棟梁武庫輸篠蕩氣

合芝蘭芬平德學媿蓬麻長大施朱弦清小薦金荃沆雲

間鶴孤唳伯長天外鴻橫上曉舲斲層冰午店憇平壤追

攀瞰烟濤平德涉歷走塵鞅長淮橋螭薄霧裘驕驥風

臺牛一鳴日觀雞三唱團桑沃如蓋伯長宿草乳若襁青

帘客沽酒素鬣漁收網心懽沂泗流眼豁恒岱乘追程

騎侵星勸耕農植杖俗厚喜豐登平德氣俠存慨慷伊河

既東流維斗復北仰誰云風土殊始覺宇宙廣骨聳終

返騰神清何懽悅鈞天夢非真長伯廣寒步空想銖衣人

周闔芥粒視北垞千官紫府榮九奏彤庭袒摘文剪金

平德展采簇天仗清都踰咫尺弱水漫方丈絳旂雲霧

而寶扇日月晃仁聲被八表長伯德意蘇羣枉泥檢極封

崇芬苾巖盼變瑞氣藹重泰階瞻兩馳峯出天厨

豪號錫中帟鳴珂接俊彦平德正笏嫉偏黨德人笑採芝

送客棄拾橡茅拔要有方矢來本無嚮湘纍但魂詞長伯

此相僅金像遭讒氣徒憤得計身何往豈如及承平相

姿窮昭朗君行步飄飄我滯心悒快輕霜著衣帽微霰

霰草莽離歌起蒹葭平德古製出盆盎先登匪十獲後至

激孤獎城南燈火深塞北音書睚東風漸披拂臘水初

滉法訶成愈加險酒盡未為彊雙眸秋水炯累語春波盪

經行度崎危長伯交友希個儻羈遊棄楚荒遠客憐齊僮

光陰尺璧重事業千金賞平德行還雁塔題復睹鴻都榜

時不戒步窘事至勿技癢脂韋本凡近鐵石乃忠讜詞

林納疵美書田課荒穰列仙會儒癯羣仕趨吏駟陸生

強以嗔陶令終骯髒貞心百壬辟正色上帝享徒為捧

心地莫學画眉敬功名要無心造物端有相行遂初

志事記疇曩

望洞庭山

望洞庭山

海嶽雄前武乾坤入壯懷地臨區澤左平德洞接蜀山涯

玄甲呈神禹長伯靈鼇琢女媧岫橫青一髮平德水引玉三

义鴈翅連雲暝長伯雞聲帶雨喑輕烟滋土脉平德激霧潤

蔬菱橘熟金分顆長伯鱸肥玉饌鮭稻田碁布局平德草舍

篆書齋塔正狂瀾轉長伯圩增古岸老畫船誰白傅平德香徑

獨吳娃伏翼疑銀乳長伯游鳧訝翠鞵苑存麋鹿過平德石

老鬼神霾堊火分星位長伯剛風直帝街浪高驚接漢平德

天濶欲吞淮鐘遠春聲隔長伯歌長艚韵諧靜依村社樸

平德閒厭市塵哇往事滄浪古長伯輕裘笠澤佳鷓夷奇策

遠平德季子宿情乖鈿壁銷朱戶長伯香風墮綠槐卧遊包

景象平德目送樂形骸尚憶未生蟣長伯誰憐竈產鼃江湖

終漫浪平德歲月敢安排語盡情如客長伯杯深醉近俳黑

頭宜紫闥平德白眼笑青綈門掩雲生室長伯庭虛葉響階

墨花浮雁字平德燈粟綴虫釵急吹鳴笙籟長伯同雲屑豆

稽行、從此地平德去；勉吾儕響葦王良御長伯帆凌博

望查會須攀絕境平德岸幘訪丹崖長伯

秋雪九月十四日伯長伯庸

白帝欲返馭玄神已先驅南山黯邈睇西館阻清歛刻

雲環珮襟剪水瓊瑰敷金英受剛絜丹桂遭糝途高標

變髮爽氣通微軀羣陰孤陽儂積素五采腴路脩天鷲

疑穴廢堊兔呼蟬猶抱殘槐雁仍驚折蘆混瀆露荃溜
空青水柱酥或云勢已盡又言理非殊先時明堂嚴薄
刑奪收誅浮華敵春澌斂實侔冬輸慘立各動色沉思
儼徐趨鴻鈞轉橐籥緹室潛葭莩觀物昧休微永歌啓
貞符

又九月十五日德
平伯長繼學

金神縮兌澤水妃表玄英西郊散永粟北戶垂珠楫三
登發重瑞六莖凌孤清白藏縞衣舞顛氣霓裳呈楚客
迷望眼羗戎候軍聲桂粉靈杵飛穀精露囊盛降霜鄒
子憤停日陽戾爭澄霄霍失頂空江路鳥搖睛菊貞返素

朴木落超空明鏗鏘商籟諧大小藍璞成蕃花賸壑畝
梅葢光檐楹初疑蚊蚋集漸覺鵝鶴迎漢盤結夜濯韓
堂滅宵蔡陽和趨報社嚴凝儼書正掩袂青女辟沾巾
素靈驚擊鷹眩莽蒼樹羽登崢嶸長楊散旃屋五毒增
門閔絮團柳殘葉鹽裹荷留莖鉛飄孀娥匣旄落少昊
旌井梧炫銀牀庭櫻轉珠纓萬入西帝遊六變坤母寧
初驚遽然至忽訝乃爾輕單衣亟搗素黃裳倏飄瓊陶
姬却帳暖唐皇咽簫橫昊天有正命殺氣何橫行沈
宸居肅兩々台階平朔吹偶先集澤雷久藏鳴碩果理
固在飛葭澹無營

檜竿嶺 伯生 伯長 伯庸

有嶺名檜竿其上若棧閣白雲亂石齒青峯轉帝脚積
冰太古陰出礦無底壑馬飲沆瀣泉鷹盪扶搖幕轍跡
委垂紳人聲蕝虛索鳥飛接鳥背羽沒疑虎鞞霧松秋
髮長霜果春頰薄升樵不知疲獨徃端有愕兢、矛頭
浙抗、井口索凝睇見日觀引手探月廓南下眇塵海
北廣絡沙漠金橋羣仙迎玉幢百神鑿禽鳴蜀帝魂鐵
鑄石郎錯鈎鈐挂闌干攬搶斂鋒鏑屬車建前旄馳道
徇嚴柝載筆三人行弭節半途却

送曾編脩伯長 繼學

竒鶴慕南雲俊鶻欣北雪行藏龜左顧去住坂九折纂
書墨兵從擬制銅史挈佩委松籟回冠峩星光徹埽花
窺日輪井落旋風鐵歸思紅葉高家憂紫荆裂晨裝發
五兩夕祖謝駟馱沙明石痕瘦川遠桅影列吳歌蕩鷗
舞楚製慘鶉結汀葭青女臨岸橘黃人揭組練危瀑懸
簫磬古灘咽詩箋江神幻目送山君別炯、雁集洲挺
挺鶴鳴垵賈颿魚貫真僧履鷺飛滅前坡指迎帽舊墓
拜表碣明知紹世譜詎肯逐宦轍兒孤文襁昏女乳粉
鈿澶深思振鷁原後胤超鳳穴過都塊非歷去魯浙豈
接歌驪念睽遠瞻蟾數盈缺

李成古木

層陰舞玄蛟積溜落銀繭迸空太古枝伯長側石千歲蘇
寒柯紐交樛霜枿釋餘泣繼俯憐岩壑幽仰矚雲霞淺
雄姿虎當岵鏃翮雀立巘長身屈迴紋曲盖表繆篆矯
矯却岱封昂、陋桐剪初疑居移鄙漸覺坐閱鮮靈光
魯國歸屈軼虞廷彥蔽牛我當容化羊君莫辨山糶養
洮沐窓霧勤溧鬣直非龍髯觸勢若鹿角偃蕭騷悶馳
飈懍恍集微霰玄黃馬師遺丹青犧尊覲采苓乃夷猶
卧雪何輾轉

清容居士集卷第八外有十二句

程